



Dialuna, 28 di Maart 2022

AWEMainta



www.awemainta.com



www.facebook.com/awemainta



noticia@awemainta.com



583-1400



Pg.2

Prome Minister Evelyn Wever-Croes:

Integridad no conoce distincion di gereno

"Ora bo ta para pa integridad, bo mester actua, maske ta hendenan di bo propio partido"



Apertura di 'The Galleria' na Harbour House
**Iniciativa pa sostene artistanan local
y rebiba Oranjestad**

Pg.4



Despues di como 7 año
**Fanaticada di futbol a disfruta di
un bon futbol**

Pg.14

Prome Minister Evelyn Wever-Croes:

Integridad no conoce distincion di gereno

“Ora bo ta para pa integridad, bo mester actua, maske ta hendenan di bo propio partido”



Prome Minister Evelyn Wever-Croes ultimo dianan ta blanco di critica pa motibo di suspension di un empleado publico na Parlamento. Prome Minister ta reacciona y duna aclaracion di e situacion aki.

“Normalmente mi no ta reacciona riba casonan asina. Pero mi ta mira cu politiconan oponente ta purba hinca e tema aki den un direccion politico. Y p’esey mester duna aclaracion.

Ami como Minister encarga cu entre otro asuntonan di personal y cu e organizacion di Parlamento, a wordo acerca pa Griffier di Parlamento pa mi firma un carta di suspension di un empleado di Parlamento.

Ta trata di un procedura standard cu Departamento di Recurso Humano ta encamina ora cuminsa un investigacion a base di un keho cu nan ricibi. Prome cu mi wordo acerca cu un peticion asina, ya e departamento a hasi un investigacion caba, pues nan ta conclui cu no ta algo sin base. Den casonan asina como Minister, ami nunca ta nenga, ni maske ta hende cu mi conoce bon, manera den e caso aki.

Awor investigacion ta andando y si no haya nada mas, e suspension ta wordo

kita y lo tuma un decision si e keho entrega lo conduci na un sancion disciplinario of no. Si e no conduci na un sancion disciplinario, e persona ta haya un carta den cual ta confirma esey y e persona por bolbe na trabou.

Mi kier remarca cu ta hopi importante pa tur empleado publico tin un posicion politicamente neutral den nan trabou. Sea cu bo ta na favor di Gobierno of no, na pia di trabou no ta permiti pa haci cosnan politico pa ningun partido politico cu ekipo di trabou.

Mucho menos si e no ta parti di e definicion di bo funcion. Esaki ta algo cu tur empleado publico ta suppose di sa.

Ami como Minister ta haya mi varios biaha cu casonan asina, y cu ami mester tuma e decision fastioso di suspende un persona. Pero esey ta parti di mi trabou. Si di berdad nos kier un Aruba integro, nos mester stop di cuestiona ora departamentonan di Gobierno tuma accion pa frena cosnan cu no ta bon den Gobierno. Si cada biaha mester tene cuenta cu ken conoce ken, nunca nos ta libra nos pais di corrupcion. Y si e persona no a haci nada, e no tin nada di teme, indudablemente e lo sali liber di tur acusacion.

Integridad ta algo cu bo tin of bo no tin. Y si bo tin integridad bo mester actua, irrespecto si ta hende muher of si ta hende homber. Irrespecto si ta bo propio famia of colega di bo propio partido. Si bo NO actua, e ora abo mes t’e problema. Como Minister ami semper a asumi mi responsabilidad. Mi no ta Minister pa hunga popular, mi ta Minister pa haci lo corecto. Y si mi no actua, mi ta aproba actuacion no corecto y mi ta bira mescos cu nan”, Prome Minister Evelyn Wever Croes a splica.

Francisco Celaire, motor di SAMBA, a fayece



Francisco Celaire, ex docente y bolutario riba tereno social, a bay sosega diasabra anochi na edad di 83 aña.

Francisco Celaire ta un persona hopi conoci den nos comunidad y cu ta gusta yuda hende y tabata traha hopi duro p'esnan cu menos recurso, pero tambe yudando esnan cu a cay den e vicio di droga. Ta increibel, pero cu su 83 aña ainda Francisco Celaire tabata traha.

E tabata docente na entre otro Colegio Arubano. Despues a dedica su mes pa ayuda esnan den adiccion y asina a traha hopi tempo cu fundacion SAMBA. Despues el a traha algun aña mas, ora cu e tabata cu pensioen tamba cu fundacion Elizier. E tabata hopi dedica na su trabou pa

yuda adictonan, combersa cu nan, duna nan guia spiritual, pero tambe si mester cushina e ta hacie, y tambe trabou administrativo.

E ciudadano Stan Dabian, kende conoce hopi di cerca a skirbi: Francisco tabata un bon consehero y a conseha hopi, principalmente esnan cu di un of otro manera a cay den adiccion. E tabata eynan pa tuma nan over y papia cu nan.

Francisco no tabata papia cu nan so, pero tambe kere den nan y duna nan oportunidad pa sali for di e situacion cu nan ta y asina nan bolbe bek den comunidad. E trabou pa traha cu personanan cu ta adicto no ta un trabou facil, pero Celai- re a demostra den mas cu un ocasion, cu e ta haci e trabou aki cu hopi cariño y pasion pa masha hopi aña largo."

Tambe Francisco Celaira a subi lista di partido politico di d.f.m. Charro Kelly, ADN, pero despues a dicide cu politica no ta p'e. Cu Tata Todopoderoso tuma Francisco Celaire den su Reino, condolencia na su famia.

Ambulance y Polis a bay atende cu mucha homber cu a bira malo

Tabata diabierna mainta Polis y ambulance a bay pura un adres na Cumana, unda cu un mucha homber a bira malo y lo tabata su so na cas.

Den prome instante ambulance y Polis tabatin poco dificultad pa a loclisa e adres exacto, pero despues di algun rato a bin hay'e. Paramediconan a logra yega paden cerca e mucha homber cu tawata sint'e hopi zwak. Mama di e mucha hom-

ber lo no tabata presente e momento ey pero a yega algun rato despues.

Paramediconan a transporta e mucha homber pa Hospitaal pa atencion medico mas avansa. No ta conoci si e mucha homber tin un condicion medico of a bira malo diripiente.

Apertura di 'The Galleria' na Harbour House

Iniciativa pa sostene artistanan local y rebiba Oranjestad



Recientemente a tuma lugar apertura di 'The Galleria' na Harbour House situa den Weststraat. 'The Galleria' ta un iniciativa di Harbour House y Pering Group pa sostene nos artistanan local dor di ofrece cada artista un Pop-up galeria pa expone nan arte na bishitantenan como tambe na comunidad di Aruba.

Durante apertura, sr. Alberto Perret-Gentil, CEO di Pering Group, a splica cu e vision di Pering Group ta pa contribui n'e caya di Weststraat y Werfstraat como un destinacion di arte pa atrae turista y localnan bek den downtown di Oranjestad. E vision aki ta basa riba e ideologia di 'Orange Economy' como sosten adicional na e 'Blue Economy' di e area specifico aki. 'Orange Economy' su proposito ta pa stimula economia basa riba actividadnan creativo cu contenido cultural y artistico.

E artistanan cu lo ta exponiendo nan arte den e prome temporada di 'The Galleria' ta Armando Goedgedrag, Cado de Lannoy, Suelyn Dankerlui, The Art Spot by Nicole & Marie, Luque Juan, Federico Cabello, Rudyomar Leysner y Erika Moran. Cada artista a splica un poco di nan trabou y a expresa nan gratitud pa ricibi e oportunidad aki y di un manera of otro contribui na revitalisacion di Oranjestad. Pa mas informacion por bishita 'The Galleria' of tuma contacto cu cada artista via nan red social.



Fan a keda cendi, a causa un kortsluiting, kimando un parti di cushina di Cafe080



Diadomingo algo prome cu 6'or di mainta alarma a wordo bati pa un compania di seguridad, un security guard durante patruya lo a haya holor di candela y a nota huma den Cafe 080.

Mesora a avisa Polis y Bombero y cu hopi lihe nan a yega n'e sitio, enberdad nan a nota cu tin huma den e lugar, pero na prome instante no por a haya niun persona pa habri porta di e negoshi pa nan por a drenta.

Band'i pariba nan a logra kibra un bentana y Bomberonan a cuminsa spuit awa paden. Asina nan a combati e candela den e cushina.

Mientras Polis a sera e caminda pa trafico, brandweer a logra domina y paga e candela. Un fan cu lo a keda sendi a causa un kortsluiting.

E candela a kima un parti chikito di e cushina, pero si e lugar mes a keda bou huma.

Den careda di 6'or y 15, e manager a yega n'e sitio, mesora el a habri e porta p'asina Bomberonan por a controla e lugar y alabes e huma por sali for di den e lugar.



NEW TIRES

JUST ARRIVED

VISIT US TODAY AND SAVE.

Shaba ☎ 5870621 Sta. Cruz ☎ 5834363 Cura Cabai ☎ 5845046

Preocupacion grandi di famianan pa cuidu den casnan di anciano

Pa algun tempo caba por a scucha diferente critica di parti di famianan cu tin nan sernan keri di edad halto, kedando den centronan cu ta cuida ancianonan, ya tin cosnan ta pasa cu simplemente no tin hustificacion.

E preocupacion ta grandi ya cu den corto tempo nan ta mira nan sernan keri bay atras ainda mas den nan estado di salud, tanto fisico como mental y den mayoria di e casonan aki, e hendenan grandi aki no por expresa nan mes den un forma adecuado p'asina e famianan por sa kico realmente ta pasando.

AWEMainta a wordo informa di famianan di un señora cu ultimo tempo constantemente tin pleki blou na su curpa, principalmente na su man- y brasanan, hasta banda di su orea, pero ora cu nan puntra ta kico a pasa, ya cu e mama di edad halto no por duna un bon contesta, semper t'e mama a cay dal su curpa. Sinembargo fuera di e blounan na parti ariba, rudia of pianan di e señora no ta mostra ningun tipo di sla loke ta pone e famia duda si realmente nan ser keri a cay dal su curpa, of si el a wordo golpia sea pa otro ocupantenan di e centro y hasta dor di un of otro trahador di e centro.

Tin un caso serio caminda un señora a sufri un wowo blou cu tambe a wordo considera cu el a dal su cara contra di su cabes di cama, pero e famia tin duda den e splicacion aki, mirando cu ta dificil p'e mama lora y di su banda di cara riba e cabes di cama.

Otro caso cu e famia cu a informa AWE-Mainta di dje den e centro, ta cu e colega di nan mama kedando den e centro, kende no ta ricibi mucho bishita, por a mira cu a corta su cabei largo lague cortico den un forma asina malo, pero ora cu a puntra un funcionario di e centro, el a bisa cu t'e señora mes a haci esaki, pero ta dificil pa kere cu e anciana aki lo por tin skere den su poder pa haci esaki. Ta un hecho cu a nivel di cuidu den algun centro ta sumamente deplorabel, caminda no ta controla si e grandinan a urina den nan pamber y hasta famianan ta bin haya nan ser keri drumi den un cama tur muha na urina y algun hasta den nan poepoe cu hasta a seca na nan bilnan.

Aki tambe ta ser mostra dor di personal cu nan tin tiki persona pa hiba un control continuo efectivo y cu dor di esaki e situacionnan aki e tipo di cosnan aki ta pasa, pero sinduda e ta algo inacepta-

bel, sigur si e famia ta paga pa nan sernan keri wordo atendi y cuida den mihor forma. Loke tambe a resalta riba otro aspectonan ta cu ora hiba entre otro slopi y paña di cama nobo pa e cama di nan ser keri, nunca e famia ta mira esakinan riba e cama di nan famia, pero si ta mira esaki poni riba un of otro cama cu no ta di nan mama of abuela. Den otro asunto delicado ta caminda ta mira un perdida di peso cerca nan famia interna den un centro di cuidu, caminda ta parce cu nan mama tin un falta di nutricion, apesar cu ta ser bisa cu e ta como hopi, pero e peso no ta aumenta pero ta bay atras seriamente cu tur consecuencia cu esaki lo por tin. Tin momentonan cu e ancianonan ta pidi algo di come ora di bishita sea di famia of di un of otro bishitante, dunando indicacion cu nan tin hamber y no a haya suficiente di come of no a come mes e dia ey. AWEMainta a compronde cu tin famia cu lo a instala camara den kamber di nan ser keri interna den un of otro centro p'asina monitor e cuidu cu ta ser brinda, pero cu esaki no a bay asina facil of cu bon gusto, ya cu e ta ser mira como un falta di confiansa contra di e trahadornan di e centro. Sinembargo e preocupacion ta grandi, pero lo a na su lugar pa haci un investigacion di e preocupacion di famianan cu tin riba e cuidu den casnan di nos hendenan grandi.

PANADERIA DEL PUEBLO
Baked with Love

Fresco Tur Dia

HABRI TUR DIA DI 6:00AM-6:00PM

YAMA NOS: 5821915

Guyabastraat #4
Dakota

Miguel Mansur na Evelyn Wever-Croes:

Stop di gaña!

"Mi a tuma nota di un comunicado di prensa di Prome Minister Evelyn Wever-Croes ta declara cu ta Griffier di Staten a pidi p'e suspende sra. Arminda "Liesje" Khemlani-Flanegin. E declaracion aki ta un otro ehempel di sra. Wever-Croes ta expresa un mentira sin misericordia. Sra. Wever-Croes cu no ta forma parti di Commissie Huishoudelijke Aangelegenheden (CHA) ta purba tapa loke ta bisto na tur hende di ta persecucion politico.

Diahuebs ultimo tur hende na Staten a keda sorprendi cu e prohibicion di aceso na edificio di Parlamento emiti na sra. Khemlani-Flanegin, firma pa Prome Minister".

Segun Miguel Mansur, e mesun dia Gabinete Wever-Croes a publica e acusacion contra sra. Khemlani-Flanegin sin cu CHA mes a wordo informa cu: 1) Tabatin un keho entrega y 2) cu un carta di prohibicion di entrada a wordo emiti. Ban pone un banda e supuesto acusacion di a haci trabaonan politico cu ta un ehempel di hipocresia sin precedente.

Ban pone DRH su credibilidad un banda apesar di un sin fin di caso di persecucion politico cu nan ta complice aden.

Despues di supuestamente a ricibi un keho, DRH lo a cuminsa un investigacion. Na momento cu e keho a wordo entrega e lo mester a keda trata den CHA, pero esey no a sosode. E mesun dia cu a firma e carta di prohibicion di entrada, Gabinete Wever-Croes ta publica e acusacion sin cu CHA mes a wordo informa y alabes nan kier hunga rol di judge, jury y executioner.

Despues Voorzitter di Staten ta duna un entrevista indicando cu ta toca sra. Wever-Croes firma e carta paso, Parlamento no ta independisa, otro mentira flagrante.

Den e mesun rosea e kier menciona e palabra integridad, mientras ni su persona ni Prome Minister ta gosa di un gota di integridad.



Manera Miguel Mansur a declara previamente, falsedad ta parce di ta contagioso. Cu su calificacion huridico tur desacredita cu por tin pa Raad van Advies, awor Voorzitter di Staten kier bay defende e susedidonan a base di mas mentira.

Hopi di nos den Parlamento ta sospecha su persona di ta tras di e persecucion di Liesje. Pa bo ta integro bo mester ta honesto, e realidad cu ta keda comproba repetidamente ta cu ni sr. Edgard Vrolijk y tampoco sra. Wever-Croes ta papia berdad.

Segun Miguel Mansur, el a yega di vocifera den Parlamento cu Minister President tin un relacion turbolento cu honestidad, nan ta gusta bandona otro y esey a bolbe keda proba cu su ultimo relato.

"Cada biaha mi pensa cu sra. Wever-Croes a toca fondo cu su falsedad y gañamento e ta sigui coba un buraco mas hundo. Tardi o tempran, e berdad semper ta sali. Sigur cu ta un lastima cu un empleado fiel di Parlamento pa mas cu 30 aña ta wordo perhudica paso kisas ya e no ta sostene e Gobierno na mando.

Cu awor Prome Minister ta purba involucra Griffier di Staten den su mentiranan sigur ta lamentabel. Cu e bendicion di su marionetanan nan ta categoricamente purba desmantela nos sistema constitucional di checks and balances a base di manipulacion y mentira.

Mientras Gabinete Wever-Croes su desesperacion ta sigui crece pa escasez di fondo, escasez di capacidad y escasez di un minimo plan pa rescata nos pais, nos lo por spera mas actonan di cobardia. Accion21 sigur lo sigui pendiente pa lucha contra e abuso di poder, corrupcion y nepotismo cu ta defini e Gobierno actual".



Market Leader of Business Software in the Caribbean

= exact

Solutions for:

- Finance
- Wholesale Distribution
- Professional Services
- HRM, CRM and BPM

Supports All Your Business Activities & Processes!

VCC
International NV

Tel. 583-7072 | info@vcc-int.com | www.vcc-int.com

AZV guiando cantidad grandi di reunión pa baha gastonan di servicio local y internacionalmente

AZV na inicio di aña a introduci su plan 2022. Un plan cu ta titula: "Ban reforma pa Garantisa". E Director ir. Edwin Jacobs den e conferencia di diabierna mainta a duna un relato di con avanza e plan aki ta. Den otro articulo el a papia di avance di e proceso pa introduccion di contribucion propio cu lo no tuma lugar mas pa dia prome di april. Banda di esaki tin un comision cu ta sinta cu sector cuido. Asina nan a haya un bon feedback di laboratorionan y p'esaki a propone un cambio den e ley.

Aki dos siman ta cuminsa e prome reunion cu laboratorionan riba e contribucion propio. Pero ya caba a haya sugerencia pa loke t'e tarifanan. Ta sigur cu lo bin cambio den e sistema di tarifanan. Tin otro comision consistiendo di AZV, Ministerio di Salud Publico y Boticanan riba e parti di lista positivo. A scucha nan kehonan y ta evaluando esakinan. Lo tuma algun over, pero den forma adapta.

Pa loke ta cooperacion den servicionan cu ta brinda, e Director di AZV a bisa, tin un problema grandi. Tur hende, el a bisa, a tuma nota den prensa di e diferencianan di opinion of guerra entre ImSan y Hospital. Rapport Hubben & Battenburg, sumamente importante cu ta pone e base p'e vision di AZV.

E rapport ta bisa cu ora cu e dos instancianan aki traha hunto, por yuda baha gasto. Cooperacion of fusion, no ta importante con ta yama esaki, Director di AZV, ir. Edwin Jacobs a bisa. A priminti cu den diez dia ta firma, pero varios luna a pasa caba. Den tur esaki esun cu ta perhudica t'e pashentnan, pasobra cada florin cu por spar y hinca den otro sector di cuido ta na beneficio di e pashent. Por bay asina leu cu Parlamento mester interveni.

Dia prome di april awor ta cuminsa cu un destaho pa servicio cu ta cumpra na Colombia. E pais aki ta keda e partner di mas grandi di AZV pa loke ta cuido den exterior. A reuni cu e grupo cu ta auditora e facturanan na Colombia. Asina a haya sugerencia areanan cu por optimalisa y reduci gastonan.

Entre 25 y 40% di e clientenan di AZV cu ta yega Colombia pa operacion, no ta den condicion pa wordo opera. E motibonan ta varios, sea presion of sucu ta halto. Of biopsi no ta cla pa cual mester warda sin por haci nada. Tur esaki pa motibo di falta di un debido pre screening na Aruba y ta crea frustracion cerca e pashentnan. Tin un comision trahando awor pa mehora e parti di prescreening na Aruba. E lo reduci e estadia di e aseguradonan na Colombia y den hospital.

Si tin mihor comunicacion entre especialista di Aruba y hospitalnan na Colombia cu ta bay atende e pashentnan, pa tur cos ta na ordo lo yuda tambe. A keda constata cu un 40% di e aseguradonan cu yega Colombia e tratamentonan cu ta haya no ta locual cu a wordo pidi.

Tin discrepancia den diagnostico y por wordo evita via di telemedicina pa reduci e gastonan.

Hospitalnan na Colombia mester wordo bon informa cu laboratorionan di Aruba ta certifica internacionalmente y cu mester acepta tur nan testnan y evita cu ta ripiti nan na Colombia.



A constata un falta di comunicacion y lo bay traha riba e parti aki cu lo yuda reduci e gastonan.

Tambe ta evaluando pa haci cambio den operacionnan cu no ta urgente. Esaki den e sentido cu ta warda te ora cu tin un grupo di persona pa opera y en bes di manda nan Colombia, ta trece un especialista Aruba pa opera nan aki mes. Tur e ariba menciona ta muestra cu ta trahando riba Plan 2022, segun ir. Edwin Jacobs.



**INVEST
SECURE**



We don't just say it ... We Guarantee it !!!

You can focus on your business

If you leave your security protection up to us.

Call 582-7252 for a free presentation.

Email: insec@setarnet.aw



Tratamento di presupuesto 2022 e siman aki lo por bira tempo perdi

Gobierno tin cu cumpli cu recomendación di CFT



Prome Minister Evelyn Wever Croes diabierna ultimo a anuncia cu e siman aki Parlamento di Aruba lo trata presupuesto 2022, cu ta shete luna atrasa mirando cu e presupuesto aki segun ley di comptabilidad, mester a wordo entrega dia prome di september di 2021. Un berguensa sin duda c'un hefe di un Gobierno cu ta papia di integridad, cu hasta a lanta un Oficina di Integridad, den casi cinco aña di gobernacion, nunca, pero nunca por a entrega un presupuesto na tempo of logra na cumpli cu e obligacion di entrega cuentanan anual na tempo.

Mientras cu Prome Minister a muestra un actitud di felicidad ora cu el a anuncia cu Parlamento lo trata e presupuesto 2022 e siman aki, sinembargo si no tin cambio manera CFT a exige Parlamento ta perde tempo cu esaki.

Te cu diadomingo atardi 27 di maart sinembargo, no tabatin e reunion aki programa riba e kalender di Parlamento, pues un biaha mas ta bolbe wordo confirma cu e Prome Minister ta dicidi ki ora y ki dia Parlamento por reuni, ya cu e dos fraccionnan cu ta sostene Gobierno, ta acepta esaki sin mas.

Mientras cu Prome Minister ta mira tratamento di presupuesto 2022 como algo positivo, e decision di Consejo di Minister di Reino diabierna ultimo, caminda CFT a conseha RMR un biaha mas pa no duna Aruba sosten di likides, ya cu gabinete Wever Croes simplemente no a cumpli y no kier respecta palabracionnan concreto haci entre

Aruba y Hulanda.

Prome Minister Wever Croes simplemente no ta fada di scucha constantemente CFT ripiti e mesun cos aña tras di aña, esta cu su Gobierno no ta cumpli cu loke a wordo palabra pa entre otro e propio lider di MEP aki.

Den su nota na inicio di maart riba e "uitvoeringsrapportage", CFT a muestra caba cu Gobierno di Aruba entre otro no ta cumpli cu loke el a bisa e lo haci, entre otro gasto di personal ta sigui subi na lugar di baha y esaki ta algo cu ta vigente for di 2018 ora cu Evelyn a firma su prome protocol cu Hulanda.

CFT entre otro a recomenda gabinete Wever Croes di usa e 12.6% den presupuesto loke tog Minister Xiomara Maduro a bira haci, tambe e hecho di reduccion di Loonbelasting pa cierto grupo, caminda CFT a exige pa elimina esaki y laga e asunto keda manera cu e tabata.

Pero den presupuesto 2022 por mria cu tog Gobierno a pone esaki den e presupuesto y ta mas cu claro cu CFT a informa RMR di e falta di seriedad aki di un Gobierno cu no ta kibrando su cabes cuanto e ta perhudicando e pueblo di Aruba.

Fuera di esaki tin otro asuntanan cu CFT a informa RMR di dje, entre otro cu Gobierno di Prome Minister Evelyn Wever Croes, no kier cumpli cu entrega di cuentanan anual di 2019 y 2020 caminda atrobe a pidi pa mas tempo, algo cu a wordo pidi na varios ocasion caba.

Otro punto cu CFT a informa RMR t'e hecho cu gabinete Wever Croes no ta cumpli cu loke Prome Minister Wever Croes a sugeri na Hulanda cu su Gobierno lo haci, esta di logra un reduccion den cuido medido di 5 milyon pa luna, loke lo bira un total di 60 milyon den un aña.

CFT ta exige cu Gobierno di Aruba tin cu cumpli cu esaki, pero ta resulta cu esaki no ta posibel y gabinete MEP-RAIZ no por sali afo cu e asunto aki.

Tur e cosnan aki ta muestra cu Parlamento e siman aki, si bay over na trata presupuesto 2022, nan lo por aproba esaki, pero ta mas cu claro cu riba insistencia di Gobierno di Reino, Gobernador di Aruba lo tin cu retene e presupuesto aki te ora cu e wordo adapta segun palabracionnan haci.

Bulgaronan por haya 4 año pa skimming

Fiscal a bisa tres Bulgaro acusa di skimming cu nan t'e tipo di hendenan cu Aruba no ta spera pa bishita. Nan ta causa daño n'e nomber di Aruba como un isla safe. El a pidi 4 año pa cada un. Diabierna mainta e trio Bulgaro tabata den Corte acusa di e delito di skimming, falsificación y cu nan ta pertenece na un organización criminal. Hunto cu nan Ministerio Publico a trece tambe dilanti un Dominicano biba na Aruba, JB, kende ta wordo acusa di ta forma parti di e grupo. Ta trata di e hombernan Georgi N.S., Aleksandar B y Milen D., kendenan entre augustus 2021 y 23 september 2021 a skim un cantidad di carchi di banco y a participa den un organizacion criminal di falsificación.

E caso aki a existi un preparación mas grandi pa motibo cu na Aruba no a logra a haya un persona cu ta papia idioma di e acusadonan. Mester a haci uzo di un traductor di Hulanda, pero esaki a bay via di video conference.

Di e grupo Aleksandar a admiti su rol y Hues a haci'e varios pregunta riba loke nan a haci. E tabata e persona cu ta drenta e bancomatico y instala e cámara pa copia informacion di clientenan di e banco na momento cu nan hinca nan carchi pa saca placa. Despues e tabata kita e cámara bek.

Aunke e ta biba na Peru, na Bulgaria e plan a wordo traha hunto cu Milen. E tabata un biaha caba na Aruba si den pasado. Pero esaki ta prome biaha cu el a haci skimming. Aleksandar y Milen a cumpra e aparatonan online riba e website di Alibaba. Milen tabata esun cu tabata sa con mester hinca e mashine pa burla di seguridad pa cual Hues a bis'e cu e ta e especialista den e delito aki.

CMB tin un sistema special pa evita cu por hinca aparato pa skim. Den e caso aki Milen a splica Hues cu tabata trata di algo parecido na un carchi y cu ta hinke den e área unda ta hinca carchi pa pin. Georgi a conta cu e conoce Aleksandar y a bis'e cu e kier bin pasa vakantie na Aruba. N'e momento ey Aleksandar y e otro acusado tabata na Aruba caba. Ta ora cu el a yega, a constata cu e otro dosnan tabatin aparato di skimming.

E Dominicano a bisa cu e no sa kico e Bulgaronan a bin haci na Aruba. E tabata simplemente un intermediario pa haya un auto di huur pa nan. E no tabata conoce nan prome cu e caso aki tampoco.



Fiscal ta haya cu e acusacionnan contra e trio ta proba. N'e cas unda cu nan tabata kedando a haya e aparatonan cu ta uza pa skimming y traha carchinan falso. Tin indicación cu nan a copia e carchinan di ATM, pero no a traha e carchinan falso. Mirando cu nan a traha hunto pa comete e delito aki, a trece e acusación cu nan a forma parti di un organización criminal cu tin e meta di comete delito. Ta for di Bulgaria nan a cuminsa traha riba e plan aki. E storia cu nan a bin di vakantie ta algo cu e no ta kere. Nan a bini cu e aparatonan pa comete e delito di skimming y haya placa fácil.

Aruba ta depende hopi di turista y mas tanto turista Mericano. Turistanan ta scoge Aruba no solamente pa su beachnan sino tambe p'e seguridad. Si skimming drenta Aruba, esaki lo perhudica e isla su turismo y tambe banconan. Fiscal a tuma e grupo na malo. El a muestra cu mey-mey di e epidemia cu tabata un sla duro pa Aruba, nan a scoge net Aruba pa bin haci skimming. Nan a biaha for di practicamente otro banda di mundo pa bin Aruba pa haci delito.

Fiscal ta haya cu mester duna e señal cu Aruba ta safe y no ta permiti skimming. Autoridadnan lo tuma tur acción pa mantene esnan cu ta skim for di Aruba. Cu nan a fracasa den nan intento no ta haci e delito menos serio of ta haci cu e castigo cu nan mester haya ta menos. P'esey el a pidi 4 año pa cada un di nan.

Den e caso di e Dominicano, no ta prome biaha e ta envolvi "accidentalmente" den un caso di skimming. Den e caso anterior di Bulgaronan tambe el a wordo deteni y e tabata chauffeur di e hendenan ey y awor atrobe a yuda nan pa haya un auto pa huur. Pa Fiscal ta proba cu e ta envolvi pa cual a pidi un castigo di dos año di cual 12 luna ta condicional y dos año di prueba.

Huez a informa e Bulgaronan cu nan sentencia ta dia 14 di april. Pero den e caso di e Dominicano el a dicidi di duna sentencia mesora, despues di a bay evalua e caso un rato den su oficina. El a haya cu no tin prueba contra J.B. cu e tabata sa kico e hendenan aki a bin haci na Aruba y tampoco cu el a participa activamente den e cometemento di e delito. Solamente por pone responsabel di intermediario p'e hendenan aki haya un auto di huur. P'esaki a dune un boet di 300 florin cu e no mester paga tampoco pasobra ta compensa esaki cu e dianan cu el a pasa sera cu tabata basta. Diabierna mes el a sali liber.

Drs. Mervin Wyatt-Ras:

Evelyn Wever–Croes a cai sinta riba stul di Edgard Vrolijk

Segun Parlamentario drs. Mervin Wyatt-Ras di AVP, Evelyn Wever-Croes awor den e racha di persecucion politico contra tur cu no ta di su signatura politico o di su agrado, awor a cai sinta riba stul di Presidente di Parlamento. Aunke pa hopi tempo caba tabata obvio cu e Ministro Presidente t'esun cu ta dicidi ki reunion e Presidente di Parlamento ta yama y cu enbes di laga Parlamentario-nan papia e mester ta na palabra, awor a bira mas claro ta ken ta dicidi y manda riba e Presidente di Parlamento.

Parlamentario drs. Mervin Wyatt-Ras a tuma nota di e carta manda pa un miembro di personal di Parlamento, sra. Arminda Khemlani, den cual ta prohibi Khemlani pa drenta tur local, edificio, tereno y propiedadnan di Parlamento. Locual ta remarcable y hasta tristo ta cu e motibo no ta cla sino basa riba supuesto actuacion politico di Khemlani. Kiermen sin sa sigur e Minister Presidente ta sinta riba stul di Parlamento y dicidi di prohibi un trahadot di drenta Parlamento sin tin argumento pa hustifica esaki, sin "hoor en wederhoor". Siguramente n'e momento aki Evelyn su hendenan lo drenta Parlamento pa bai busca informacion pa por acusa e empleado na smaak.

Segun informacion cu Wyatt-Ras por a obtene di coleganan na ningun momento e Presidente di Parlamento no a yama reunion pa discuti cu por tabatin algo ta pasando al respecto promer cu e Minister Presidente a manda un carta pa e empleado. Kiermen den Parlamento tampoco no tin transparencia igual cu den Gobierno t'e caso.

Aki por nota cu ta Evelyn Wever-Croes ta tanto Minister Presidente como Presidente di Parlamento. Como cu personal di Parlamento ta cai bou encargo di Griffier di Parlamento, lo tabata na su lugar cu cosnan mester a wordo regla di e forma ey, pero manera cu por mira e carta ta firma dor di La Doña herself, esta Evelyn Wever-Croes.

Den un caso normal lo mester a consulta cu Comision di Asuntonan Domestico of Commissie Huishoudelijke Aangelegenheden (CHA) cu tin un asunto of sospechonan REGARDANDO personal di Parlamento. Den Artículo 11. di Reglement



van Orde di Staten ta indica cu 1. Aan de griffier wordt de leiding van de griffie alsmede het beheer over de huishoudelijke aangelegenheden van de Staten en over de boekerij opgedragen. 2. De voorzitter, bijgestaan door drie leden, daartoe jaarlijks door de Staten te benoemen oefent hierover het toezicht uit. Deze commissie wordt genoemd de Commissie voor huishoudelijke aangelegenheden (CHA).

Mirando articulo 11.

Den e caso di e acusacion e Comision cu tin toezicht (CHA) por lo mester lo mester tabata na haltura. Esaki kiermen cu decisionnan en todo caso den principio di investigacion mester ser tuma dor di Staten y for di ey en bista cu te ainda Parlamento no ta un entidad independiente e Minister por firma, pero riba peticion di Parlamento.

Sinembargo den e caso aki cosnan a bai diferente. Esaki no ta prome biaha. Evelyn Wever Croes su Gabinete ya caba a hala diferente persona un banda. A hala e Director di NV Elmar, di WEB NV, Utilities y AZV. Tur ta entidadnan independiente.

Tambe gobierno kier haci problema cu Director die Hospital y a hala e Director di DIMAS, un ser femenino integro, un banda y awor un sra. cu tin 30 aña di experiencia. Segun Wyatt-Ras den caso un persona haci algo mes cu no ta bon mester papia cun'e y ofrese oportunidad pa mehora. Sinembargo den e gobierno aki dialogo ta palabra malo y e presidente tampoco no ta domina e e arte di comunicacion pa yega na un decision. Ademas tin cu considera cu den e partido geel esun cu no ta pensa manera nan tin cu bai, pa otro tuma su lugar cu si ta pertenece na e clan di friends and family. Esey Wyatt-Ras ta papia di dje for di experiencia tempo cu el a vota p'e versoberingswet na vanguardia di nos ciudadanonan y a ser expulsa for di e partido. E hunto cu sra. Marisol Lopez-Tromp.

SIMAR a expresa su preocupacionnan na Minister Endy Croes den reunion



Finalmente Sindicato di Maestro, SIMAR a logra un reunión extensión cu Minister di Enseñansa, Endy Croes siman pasa. A probecha pa bay y trece dilanti dilanti un lista largo di nan preocupacion den e mundo di enseñanza.

Presidente di SIMAR, Josephine Albertus den un entrevista duna n'e portal di notica 24ora, a papia di tur e temanan treci dilanti di cual un di esnan mas importante, según el a bisa, tabata e falta di guía pa alumno y maestronan. Esaki tabata un problema cu tabata existi caba prome cu e pandemia di Covid.

E problemanan social tabata presente caba, pero no tabatin e recursonan pa atende cu esaki. Cu e pandemia e situacion a bira mas serio. Ta hopi necesario pa ataca e problema awor cu ta saliendo for di e situacion di pandemia.

Den pasado a trece e tema aki dilanti cerca e mandatario, kende a pidi tempo. E tabata trahando riba un plan unda e ta bay atende cu e preocupación aki. SIMAR sinembargo ta enfatisa cu e cambio mester ta tanto pa alumno como maestro y esaki ta urgente. For di e sector di enseñanza e preocupación aki cada biaha ta bini dilanti y nan ta bisa cu no por laga mas tempo pasa, pasobra e problemanan ta sigui crece. Ademá, ta necesario pa envolví e veld tambe den búskeda di e solucionnan.

Docente a siñapa duna les, pero den e

temponan aki, e problemanan social no ta keda cas y ta yega scol cu tur su consecuencianan y maestronan mester haya e ayudo con pa atende cu esaki.

Mas preocupacion

Banda di e problema social, a trece dilanti e tema di instructornan di landamento, cu ta algo cu tin andando for di prome cu pandemia caba. Den un encuentro anterior y esun di siman pasa a papia riba e ultimo contracto cu DRH a trece p'e grupo di personal aki cu tabatin validez di un año so, mientras cu e trabou di e grupo no ta algo di un año, pero mas bien permanente pasobra les di landamento ta forma parti di e curriculum.

Recorte y deducacion di salario

Naturalmente e tema di recorte pa cual SIMAR y su miembronan ta luchando p'esaki, a bini dilanti den e reunion cu e mandatario. Mas tanto riba e consecuencianan cu e protesta of accion a trece pa su miembronan.

A tene accion y manifestacion p'e recorte di 12.6% cu ta tumando lugar for di año 2020. A trece dilanti específicamente e preocupacion pa cu personal di DPS. Na momento cu a haya nan slip a constata cu Gobierno a kita placa for di salario p'e accionnan teni den luna di december, dianan 8 y 12. SIMAR a expresa cu parce e asunto aki ta tur bruha. A kita for di algun y for di otro no. Pero di e grupo cu a sinti e reduccion di pago, ta sinti tambe cu a kita placa di mas.

Ta sinti cu kier persigui e miembronan di SIMAR, pasobra den un carta manda p'e maestronan ta papia di plichtsverzuim, cual SIMAR no ta di acuerdo cu ne. A mostra riba declaracion di Prome Minister mes kende a bisa cu si ta bay accion, mester avisa doño di trabou. E grupo di maestronan aki a informa e directiva cu nan ta bay participa den e accionnan di SIMAR, pues no por papia di plichtsverzuim.

Ambtenaar a haña retiro pa malversacion di 60.000 florin

Siman pasa Corte di Apelacion pa casonan di Ambtenaar a dicta veredicto den caso di un ámbtenaar cu a malversá 60.000 florin for di caha di Censo na Aruba caminda e tabata colaborador financiero.

Su tarea tabata pa depositá tur placa ku drenta riba cuenta di banco.

Entre april 2018 y janüari 2019 durante un periodo di 48 dia el a depositá menos placa na loke a drenta na caha.

E ámbtenaar a admití cu el a malversá e suma y cu e no por traha mas na caha di Censo.

Na febrüari 2019 el a pidi retiro, pero a revocá e retiro y a uza como argumento cu e tabata asina adicto cu e no tabatin contròl riba su actuacion. Su hefenan a constatá cu e ámbtenaar a faya grave-

mente cu su comportacion y e no a bin cu un declaracion mé-dico cu ta demostrá cu e ta adicto cu ta pone cu realmente e no tin contròl riba su comportacion. Sin e papel di dòkter aki, su hefe no por a tene consideracion y a duné retiro.

El a haña retiro honoroso a base di incompetencia pa fungi como ámbtenaar.

Korte no a aseptá e argumento dje ámtenaar i a aseptá ku ela faya gravemente.

Corte a huzga tambe cu e no por a yuda di ta adicto y a constatá cu e ta adicto pa su mes falta.

Adiccion no ta un factor cu ta suavisá actuacion di un hende si hende faya cu su trabou bou di adiccion.

Solamente si su condicion fisico ta di tal forma cu e condicion ta dominá su personalidad.

Durante un periodo di 8 luna tempo cu no tabatin contròl financiero e hòmber a keda sin depositá e placa.

E ámbtenaar a bai serka psicólogo y ta di acuerdo cu e rapòrt. Pero e tribunal no por a haña hustificacion den loke el a haci y a confirmá e retiro.

Dialogo riba documentario “Dande di Aruba”

“**Dande** di Aruba” ta un documentario bou direccion di e cineasta Cindy Kerseborn (dfm). Den e documentario cinematografico aki por mira diferente aspecto di e desaroyo di nos tradicion di Dande na Aruba.

Dande ta un tradicion tipico di fin di Aña na Aruba, cu tanto grandi como chikito ta identifica nan mes cune como parti di nos cultura.

Dande ta un celebracion cu probablemente a cuminsa den siglo 19 y durante e transcurso di aña hopi hende kier sa ta kico t’e origen di Dande? Pero tambe kico nifica e palabra Dande? Y si Dande a y ta existi solamente na Aruba?


P’e motibo aki Universidad di Aruba hunto cu Comision Nacional pa UNESCO di Aruba y Fundacion Mi Cutisa ta tene un dialogo entre publico y algun persona cu a contribui na produccion di e documentario.

Ruby Eckmeyer, Alexis Tromp y Arthur Kelly lo duna un presentacion di e proceso- y retonan cu nan a confronta pa por a produci un documentario cinematografico riba nivel profesional. Adi Martis lo duna un discurso historico riba investigacion di e historia di Dande.

Y na final lo bay dialoga hunto cu e publico presente riba e Convenio di UNESCO pa por pone Dande riba e Lista Representativo di Herencia Cultural Intangibel pa Humanidad.

Esaki t’e comienso di un dialogo cu e comunidad di Aruba pa envolvi nos hendenan den e discusion pa identifica kico tur nos ta indica como parti di nos herencia cultural intangible.

A base di identificacion di e elementonan cu comunidad di Aruba ta econoce di importancia como parti di nos herencia cultural, lo por bay stipula un Lista Nacional di Herencia Cul-



tural Intangibel di Aruba. E lista aki ta di suma importancia pa por consentisa nos pueblo kico tur mester haci pa proteha nos herencia cultural intangible.

E dialogo aki ta tuma lugar na Universidad di Aruba den sala A y tambe virtualmente via e link: <https://www.ua.aw/events/documentary-dande-di-aruba/>
Orario: 6:00 pm – 8:00 pm; Dialuna: 28 di maart, 2022; Entrada: Gratis

Despues di como 7 aña

Fanaticada di futbol a disfruta di un bon futbol

Despues di hopi tempo, casi shete aña pa ta specifico, e fanaticada di futbol na Aruba alfin ta haya un chens pa disfruta di e seleccion nacional riba nos mes'un tera, na nos mes'un stadion, cu nos mes'un hendenan. Den ocasion nan previo, den e ultimo añanan, (y den futuro sercano ainda), e seleccion di Aruba tabata hungando su "partido di cas" na Stadion Ergilio Hato na Willemstad, Corsou, debi n'e situacion relaciona cu e condicion structural di nos stadion nan na Aruba, esaki ainda ta bai ta un "issue", dus, e situacion ey lo sigui te ora cu e stadion ta cla pa "host" partidonan sanciona pa Concacaf y FIFA. E evento special aki, atende pa miles di espectador, ta un iniciativa di AVB pa reconecta atrobe cu e seguidornan di e deporte rey riba e baranca aki y rebiba e pasion pa futbol un biaha mas.

E contrincante di e seleccion di Aruba den e ocasion aki ta un ekipo mas bien "all stars" internacional bou guia di Dreyer Bracho, un di e director tecnico nan mas exitoso na Aruba den e ultimo añanan.

E ekipo di estreanan aki ta consisti di e top hungadornan internacional radica na Aruba, casi tur ta milita den Division Honor. Nos ta papiando di hungadornan di gran caliber, entre e mihornan den e futbol di Aruba, man'e e top goleadornan actual den Division Honor; Jhon Silva, Sebastian Montoya y Devis Oliveros (previo ganado di Balon D'Or) kende lamentablemente no por a hunga den a partido aki debi na un lesion di ultimo ora, Oliveros a hasta yega na domina e tabla di goleador den tres campeonato.

Aruba ta hunga cu su ekipo nacional completo den preparacion pa Concacaf Nations League na juni. Hopi di e convocadonan p'e seleccion nacional a bin te fo'i Hulanda pa hunga pa nan pais, hopi convocador tambe ta milita den Division Honor aki mes, entre nan algun convocado hoben y talentoso, un composicion di ekipo hopi interesante mes efectua p'e bondscoach nobo Marvic Bermudez, un yiu di tera su mes.

Tin un feeling di un 'comienzo nobo', 'un mihor futuro pa nos futbol, p'a cuminsa gatia y cana atrobe, y core tambe den futuro, semper reconociendo nos limitacion nan pero tambe enfatizando nos forsan, reconociendo loke nos tabatin den pasado, glorianan di hopi anjanan pasa, cu "somehow" a bai perdi, cu hopi no sa mes di nan.

Nos ta biba riba un isla chikito y seco cu toch por 'produci hopi foi nada', nos por hasi "milager" cu poco, esey ta den nos DNA, pa crea cosnan grandi riba un pida baranca cu siglonan pasa tabata ser yama "isla inutil" pa cierto conquistadornan Spanjo, nos a "prove nan wrong" hopi aña pasa caba, nan no a conta cu e concepto cu yama 'e rubiano', e concepto humano di e berdadero "melting pot" di mundo, unda tin asina hopi diferente cultura y lenguahe biniendo hunto pa lucha, produci y busca exito den forma di un solo ekipo.

E partido cu analisis

Den un Stadion Guillermo Prospero Trinidad repleto cu fanaticonan di tur edad, e partido den prome instancia tabata mas den control di Aruba, e combinacion den medio campo di Jeamir Howell y Walter Bennet tabata clave den e prome parti di e wega, mas ainda ora cu nan 'conecta' cu Joshua John, Benjamin Maria, Jayson Halman y Terence Groothussen bayendo dilanti den atake.



P'atras den defensa tambe nan no a permiti mucho yegada di peliger, vooral den prome half, unda cu Darryl Baly y Fernando Lewis a demonstra forsa, e talentoso Nickenson Paul hungando riba lateral drechi, cu no ta su posicion normal, pero, mustrand hopi cos bon, y na banda robes Diedrick Luydens a hunga cu alma y cuerpo, un "power" den tur sentido.

Aruba cu mas posesion y tambe cu yegadanan di peliger, pero, tambe teniendo un cierto 'conservatismo', mas bien un disciplina pa cu nan wega, man'e coach Bermudez mes a bisa prome cu e partido, cu nan t'ey pa hunga nan wega y no necesariamente djes gana e partido (gana pa gana), "ta un trabou di largo plaza e ta, un project pa futuro", dus no ta algo di awe pa mañan so, "e mester tin di haber cu consistencia".

Mester admiti si cu e seleccion internacional tambe tabatin bastante momento, di calidad, cu nan bon tecnica di futbol, ancra den mei mei cu Daniel Briceño, cu di berdad tabatin un fenomenal partido, y Leonardo Pulido hunto cu Luis Estrada cu tabata bringa tur bala cu por, tratando semper di conecta cu Jhon Silva, Sebastian Montoya y Fernando de Sousa, atakantenan peligroso.

Den e linea defensivo e internacionalnan

tabatin Claudio Cavalcante di La Fama riba linksback, un volante realmente, pero ya cu tanto otronan el a hay'e ta hunga un rol ajeno. Camilo Peña riba rechts, Enrique Apounza hunto cu Leonardo Colmenarez di Nacional den defensa central, Jesus Fria den gol.

Nan a sa den algun momento di controla bala y lansa den atake, pero, e atake nan ey no a duna fruta den e ultimo 16, portero di Aruba Eric Abdul a hay'e cu masha poco trabou den e prome tempo. Un di e yegadanan mas peligroso di Aruba ta ora cu nan minuut 34, Jeamir Howell mes a ataca riba links, penetra serca di e area penal di e internacionalnan, crusa e bala den box pa Benjamin Maria cu tabata den careda na banda drechi, pero, Maria tabata falta 'milimeters' pa alcanza e bala y anota e gol pa habri marcacion.

Net un minuut despues alfin e seleccion di Aruba, cu tabata batiendo riba porta, a hay'e caminda di gol. Minuut 35, Joshua John for di distancia a pon'e un bala hopi skerpi den area penal di e seleccion internacional, unda cu Diederick Luydens a alcanza e bala y a haci un toke suave, baha e bala dilanti e pia di Fernando Lewis na banda drechi, unda esaki a deposita e bala den net.

Tabatin reclamo leve di e internacionalnan pa off-side, pero tabata parce si cu Lewis tabata ten minste riba e mesun linea cu e defensor Enrique Apounza. Asistent di referee Jade Salamatín cu tabatin e mihor angulo y bista cu tur hende n'e momento ey, a laga su bandera abou. Aruba 1 – Internacional 0.

Net despues di e gol di Aruba, na minuut 37, t'e internacionalnan a lansa den atake, unda e goalgetter di Division Honor, Jhon Silva, a hay'e den area penal cu bala, fo'i un pas'e largo, pero Silva ta bai abou, un poco liher, referee Ricky De Leça no a indica nada, no tabatin ningun bandera di asistent Eugene Farro tampoco, e Internacionalistanan tabata pidi penalty, pero, en vano.

Halftime a bai aden cu Aruba den bentaha di 1-0, un bon prome mitar, un partido tecnicamente di bon nivel.

Den di dos tempo, e seleccion internacional a sali cu mas brio, un ekipo talentoso, no lubida esey. Nan a haya un chens grandi na minuut 48 unda cu Jhon Silva, despues di un intercepcion net p'afo di area penal di Aruba a "schaak" portero Eric Abdul cu a sali pa purba salba e situacion, Silva ta haya su mes cu e gol y un defensor so su dilanti, pero den su apuro y instincto di goleador, enbes di



lanta cabes y wak cu dos otro compañero a alcanza drenta e zona di peligro, a lansa un tiro descumunal su mes cu a pasa halto riba e gol di Aruba.

E entrada di Ronald Valderrama riba linksback di e internacionalnan, a duna nan hopi bon opcion pa lansa dilanti riba e flank ey, ademas di esey e gran partido di Camilo Peña den defensa (rechtsback) di e seleccion internacional, un forsa sigur, hunto cu Leonardo Colmenarez y Enrique Apounza den defensa central, a duna nan hopi tranquilidad atras y enfoca riba nan wega di atake.

E iniciativa ofensivo nobo di e seleccion internacional a man'e forsa Aruba pa keda un poco p'atras pa evita algun sorpresa, pero sigur ta cu e partido a balansa hopi mes n'e punto ey. Nos a mira tambe cu Fernando de Sousa a cuminsa drenta mas den e partido aki, cu un bon desempeño p'e internacionalnan.

E bishitantenan seguidamente a cuminsa haya mas yegadanan cu nan no tabatin den e prome tempo, algun di nan peligroso tambe, y no tabata necesariamente cu Aruba diripiente a cuminsa hunga malo, al contrario, t'e internacionalnan a bira mas creativo cu mas vigor, e partido a bira hopi mas interesante, mas bien un "toma y dame" ne punto ey.

Den e siguiente 20 y piko minuut e partido tabata habri pa cualkier di e dos ekiponan saca probecho, un cos si, Aruba toch a sigui defende bon den e zona di peligro, y nan tabatin mester di esey.

Ta man'e Aruba a wanta tur e bon momento ey di e internacionalnan, pa despues, cu pasenshi cuminsa busca e 'momento di calidad' pa defini e wega. Ya, ora bo ta riba 1-0 bo tin un "cushion" pa busca e oportunidad nan ey, atrobe e palabra clave cu coach Bermudez mes a ulitisa, probecha di e "momento di calidad".

Un di e momentonan ey por a yega na minuut 56 unda cu mas bien den un counter di hopi velocidad, Aruba bou iniciativa di Joshua John atrobe, ta penetra "deep" den teritorio di e internacionalnan, hasi un pas'e pa Nickenson Paul cu nan su turno ta hasi un cruse efectivo foi banda drechi, pon'e den doelgebied pa Jayson Halman ful na banda robes, Halman cu cabes ta pasa pa Terence Groothussen cu tabata riba e punto penal, y e mes tambe cu cabes tabatin tur chens pa pon'e bala den net, pero e ta cabesa un poco halto, casi gol. E internacionalnan cu bon posesion di bala ainda, cu penetracion y yegada, trei e bon wega di Daniel Briceño, a hasta man'e tuma over y controla e medio campo. Aruba mas bien tabata "loer" pa lansa den atake, buscando e momento atrobe.

Women's Club of Aruba a instala cinco miembro nobo



Despues di un periodo cu mester a cuida pa motibo di e pandemia, Women's Club of Aruba (WCA) tabatin e oportunidad atrobe pa instala miembronan nobo.

Asina a pasa cu durante reunion general di miembrecia dia 12 di maart ulti-

mo, WCA a instala cinco miembro nobo.

E miembronan nobo ta manera ta sigui: Emily Perret Gentil, Charissa Werleman, Rishella Geerman, Neline Brouwers y Mary Taylor.

Ex-presidente, Vivian Storm, kende a fungi como oficial di instalacion, a haci entrega di un pakete cu ta inclui nos constitucion, statuto, directorio anual y boletin mensual, mientras cu Presidente Norma Brinkenberg a haci damanan aki miembro oficial, ora el a pin nan cu e broche di WCA.

Despues cu cada miembro nobo a haya nan bouquet di flor como aprecio di bon-bini fo'i man di Vice-Presidente Ursly Silberie, tur presente por a sigui disfruta di e platonan crioyo cu The Old Cunucu House a ofrece e dia ey.

Robert Thiel a sa di deleita tur presente cu su musica y canto na Papiamento dedica na nos patria stima.

Angele Geerman, chairman di comision di Program y Jessica Molina, chairman di comision di Grupo di Estudio, a bin riba e idea pa organisa benta di cos dushi tipico p'e ocasion aki, p'asina yuda recauda fondo pa nos uza pa proyecto pa comunidad.

Di e forma aki, directiva y miembrecia di WCA a duna un caluroso bon-bini n'e cinco miembronan nobo. (Fotonan pa cortesia di Emperatriz Perdomo)




Minister di Cultura Xiomara Maduro a bishita exposicion Rikesa di nos Lama di sra. Lourdes Krozendijk



Riba Dia di Himno y Bandera Minister Xiomara Maduro a pasa bishita señora Lourdes Krozendijk na Wayaca pa admira su coleccion impresionante di cocoloshi.

Un coleccion di variacion di cocolishi den forma, unico, straño y den diferente color y grandura y hopi mas di bida den lama. Minister Maduro ta gradici sra. Lourdes Krozendijk p'e exposicion y e tempo pa splica e mandatario riba su coleccion, cual ta uno cu a inicia mas di 25 aña pasa.



COHO tin mas poder ku nos Statüt tradishonal!



WILLEMSTAD - Despues di un biaha mas a sinta tende estudionan di desenas di aña den e materia di sistema di gobernashon ayera, a bin e rekomendashon p'e ekspertonan di Aruba, Kòrsou i Sint Maarten forma un front sera i bolbe kambia di posishon i no kore bisa ku nos no ke e lei aki na momento di tuma desishon polítiko.

Fo'i dia ku Hulanda a pak Kòrsou ku e lei aki, prome kos ku Premier Pisas a bisa ku Kòrsou no ta aseptá e lei aki, pasobra e ta horka nos pais. Sinembargo un dje eksperto ku a tene disertashon pa orientá nos Parlamentarionan a rekomendá pa no kore tuma posishon polítiko.

I aparentemente esei te mihó eskoho te ne momento aki, pasobra si Kòrsou aseptá e lei, nos ta den skietpat. Si nos no tuma e lei, tambe nos ta den skietpat. Óf manera nan ta bisa "between the devil and the deep blue sea" i p'esei mester fiha un posishon polítiko pa saka lo máksimo for di e oferta di Hulanda.

Laga ekspertonan mostra ki ta impakto sosial di e lei ora desishon polítiko kai. Hasta ku Statüt nos no a haña tur loke nos tabata ke i ni Jonckheer ni Dokter no a haña e rekonosementu meresí i no a haña tur loke nan tabata ke.

Mester skucha Gobièrnu prome i konstantemente ora nan ta informá Parlamento pa nan por tuma un desishon sabio.

Parlamento mester tuma su tempu sin preshon, pasobra despues di a tende entrevista di Pisas, pero el a haña impreshon ku Kòrsou mester paga kasi un miljart bek, pero no te manera korekto pa likidá e debe.

Ta kasi apsurdo pa eksigí di un pais pa paga un debe asina grandi sin refinansiá si e pais no tin un surplus di un miljart riba su presupuesto.

Pasobra si nos pais tin ku page for di nos presupuesto ta apsurdo i Hulanda no por komo us'é komo medida di preshon. Tur pais a krea debe supstansial i nan ta refinansiá.

E ta refinansiá un debe meskos ku otro debe, pasobra t'asina mundu ta drai.

Den tur pais por fia sèn pa paga debe, pero no ta bai paga esun mil mion ku nos debe Hulanda.

Según Raad van State e forma ku a redaktá COHO ta koba na nos outoridat, pasobra e ta mishi ku nos responsabilidad pa goberná nos pais.

Ta p'esei Raad van State ta puntra si nan ta kuadra ku Statüt i si bo ke papia riba kondishonnan bo mester ta hopi kouteloso, pasobra ta último remedi ku nos tin.

Raad van State tin mas poder pa hasi su trabou no solamente pa papia sino p'e mes bin ku iniciativa i e posibilidat pe mes lanta su instituto pa ehekutá i kontrolá fuera dje aparato di Gobièrnu.

Dikon a skohe pa laga COHO kai bou di Ministerio di Interior, pasobra nan mester kontrolá riba ehekushon di plan i.... ta Hulanda ta finansiá proyektonan.

Ta Hulanda ta mostra nos pasobra ta nan sèn, pero e desishon di Ministerio di Interior ta disidí den COHO pa kontrolá ki ta hasi ku nan plaka di pagadó di belasting si t'asina nan mag mishi ku nos ekonomia.

Hulanda ke tin kontròl demokrátiko, pasobra ta ku nan sèn nos ta hasi proyekto.


Malechornan ta hòrta ekípo di reskate di brantwer

WILLEMSTAD - Den oranan di mainta di djadumingu 27 di maart 2022, personal di bombero ku ta stashoná n’e kazèr-ne na Rio Canario a tuma nota ku deskonosínan a bai ku un ekípo di reskate hidrouliko for di un di nan trùcknan.

Esaki t’e di dos ekípo di reskate di brantwer ku den un lapso di tempu kòrtiku a keda hortá dor di malechornan.

Polis ta haci un apelashon na komunidat pa kualke persona ku por tin informashon tokante di e ladronisia aki i ku sigur sa unda e mashin aki ta, pa tuma kontakto inmediatamente ku Polis n’e numbernan 917 of 108 si bo ke keda anónimo.

Alabes nos ke pidi tur doño di negoshi, pa ta alèrta, ya ku hopi biaha e mashinnan aki ta keda hortá ku e fin pa kometé otro robonan grandi kaminda entre otro portanan di heru di depósitonan i kahanan fuerte ta keda forsá i kortá.



Detenshon pa menasa y maltrato

WILLEMSTAD - Djasabra 26 di maart 2022, personal di Rechèrche di VVC a detené un hòmber sospechoso. Alrededor di 13.30’or, e personal en cuestion a hasi detenshon di e hòmber sospechoso C.E.P. di 26 aña di edad nace na Kòrsou. E hòmber aki ta keda sospechá di un kaso di menasa i maltrato ku a tuma lugar den oranan di e madrugá anterior.

Riba òrdo di Fiscal di Ministerio Públiko, e detenshon a keda realisá na Warda di Polis di Montaña. A presentá e sospechoso dilanti di un Fiscal ouksiliar kende a ordená su encarcelamento pendiente di mas investigashon.

Señor de la vida y de a muerte,
Tu que vea el dolor que nos causa la separación
de nuestro ser querido; en este momento que no
sabemos que decirte.
Nuestra oración es, por la pena de la ausencia de
LEO, que nos deja un gran vacío que sólo tú, Señor
lo puedes llenar.
Tú Señor, lo has llamado a gozar de tu presencia;
Recíbelo en tu Reino de paz y Felicidad, y guía
nuestros pasos para que un día lleguemos a
reunirnos con él, en tu presencia, por los siglos de
los siglos
Con inmenso dolor en nuestro corazón
participamos el fallecimiento de:



Sr. Juan Leoncio Perez Crespo
Cuba, Noviembre 5, 1943 – Aruba , Marzo
23, 2022

A nombre de su:

Esposa: Marta Beatriz Sanjudo de Perez

Hija: Katya Perez de Molina y esposo Martin Molina

Estimada nieta: Camila Molina

Occasion para despedida, el dia 28 de marzo de 2022, en la sala de Aurora Funeral Home de 9:00 – 11:00 AM. La cremacion tomara lugar en seno familiar

It is with deep sorrow we announce the passing of our beloved:



Bernice Viola Bailey Romney

Left to mourn are her:

Parents: †Dorcas (Sally) I. Bailey

†James A. Bailey

Sisters: Joyce Bailey Brathwaite

Merle Bailey

Brother-in-Law: Stephen Brathwaite

†Alfred Romney - Spouse and his Family

Deceased Brothers, Sister's and their spouses: Lawrence (Helen) Bailey, Wilson

Bailey, James (Collins) Bailey, Gladys Bailey

Arlene Bailey (Ophie) Franklin - Deceased Niece and Spouse

Irene & Andre Enabulele Bogle - Great Niece & Spouse

Irosa Kanesha Enabulele - Great Nephew & Spouse

Izehiwa Enabulele & Danielle - Great Nephew & Partner

Anthony Bailey - Nephew

Vermella, Leeroy, Alan, Ralph, Neoline Colbourne - Nieces & Nephews & Families

Elijah Grier - Great Nephew

Samir, Itohan, Imani, Tafari, Zyion, Izekiel - Great Great Nieces & Nephews

OTHER RELATIVES:

The Families of the late Euphrasia Cannegieter, Euetha Romney, Bernard

Richardson, Mabel Martin, Abbott Richardson, and Marjorie Carty

The Families of the late Glanceanne Bryan, and Viola Pantophlet

Many other Families & Friends on Anguilla, St. Maarten, Aruba, USA, The Netherlands, & England.

GOD-CHILDREN:

Norma Romney Marianne

Marylin's Daughter

Her family at RESPALDO ARUBA

Would like to invite all friends and relatives to attend the funeral on Tuesday March 29th 2022 from 2pm until 4 pm at the Christ Church Methodist Church in San Nicolaas.

or you can attend the night viewing on Monday March 28th 2022 from 6pm to 8pm at the Pray Funeral Home in San Nicolaas

“Estimada es a los ojos de Jehová la muerte de sus santos”

Salmos 116:15

M'a biba mi bida cu fe, amor, positivismo y alegría. M'a acepta mi enfermedad y a surpasa cada día cu amor di mi señora y famia. Tur bon y malo c'un sonrisa m'a acepta, pa awor den e reino di Jehová na paz mi por bai sosega.

Gradecido pa tur lo cual cu el a significa pa nos y p'e amor cu nos a ricibi for di dje den nos bida, nos ta anuncia e fayecimiento di nos ser stima:



Jermito Roberto Geerman

Mihor conocí como “Mito”

*12-10-1951 – † 23-03-2022

Na Number di Su:

Casa: Amalfi Geerman Escobar

Yiunan: Robert & Sandra Geerman y Yiu

Randy & Maria Geerman y Yiunan

Ronald & Kitty Geerman y Yiunan

Roseti Geerman & Tony y Yiu

Ruttsen Geerman & Bobby y Yiu

Takisa Geerman & Sandrich Y Yiunan

Yiunan di

Criansa: Nadia & Ricardo Nunes y Yiunan

Juan Carlos & Andrea Solis y Yiunan

Yesith & Idanis Suarez y Yiunan

Rumanan: Carmen y Ricardo Geerman y Famia

† Francisca y Mathias Wever y Famia

† Thomasa Geerman y Famia

Dominico & Maria Geerman y Famia

† Olivia de Lima Geerman y Famia

Juan (Ale) y Tamara Geerman y Famia

Magdalena y Evarito Paesch y Famia

Jasinto & †Mien Geerman y Famia

Alva (Yolanda) y Antonio Semeleer y Famia

George (Holi) Geerman y Famia

Judith Geerman y Famia

Imelda & Benny Kelly y Famia

Sioinela & Addison Loopstok y Famia

Amigo/a Nan y Bisinan stima: Rumanan den Cristo di Iglesia Bautista Peniel, Wilson & Susana Trujillo y Famia, Maggy Winterdal, Call Van der Linden.

Ex Coleganan di Cristal Casino (WindCreek) y Demas famia na Aruba, Colombia, Hulanda y Curacao. Ta invita pa acto di entierro cual lo tuma lugar na Aurora Funeral Home diamars 29 di maart 2022 di 2'or pa 4'or di atardi. Despues lo sali pa Santana Central Sabana Basora.

Condolencia lo tuma lugar na Aurora Funeral Home dialuna 28 di maart 2022 di 7'or pa 9'or di anochi.

Disculpa nos si den nos tristesa nos por a lubida algun famia of conocir.



Cornelia (Nela, Nellie) Sloterdijk Hassell


* December 1st, 1928

† March 15th, 2022

Danki, thank you, gracias, dank je,
so thankful for your kind thoughts and words,
gestures, calls, support, and foremost for being
there for us in our moment of sorrow,
Benny, Carol & Pieter

Hesus a bisa su disipelnan:
“Laga e mucha nan bini serka Mi.
No kita nan di bini, pasobra reino
di Dios ta pertenesce na nan tambe.”
Mateo 19:14

Cu inmenso tristesa na nos curason a bay laga nos,



Noah Alejandro Ochoa Escalona

*16-11-2021 - †24-03-2022

Salmo 130 : 5
Mi ta warda, warda so riba Señor,
Mi tin fe den su palabra.

A bai sosega inesperadamente:



Angelina Genoveva Loefstop,
miho conoci como “ Nini ” ,” Oma Nini “
“ Mama “of “ Tanti”

*03-01-1949 † 24-03-2022

Acto di entierro lo wordo anuncia despues.

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa”.
Salmo: 23

Nos ta anuncia fayecimento di:



Joselito Gilberto Webb

Mihor conoci como: “Lito” of “Gato”

*16-08-1975 - †17-03-2022

Acto di entierro lo wordo anuncia despues.



EDITOR:
Bonaire Communication Services N.V. **Djasabra 26 mart 2022 | Preis: \$1.00**

INHUSTIA TA BAI KABA

ENNIA a duna presentashon



Dia 21 di mart tabatin lansamentu di Global Money Week 2022 na Terramar Museum, kaminda Natasha Scheper, eksperto di penshun na ENNIA, a duna un presentashon. Scheper a kontestá e pregunta ‘Di kon ta importante pa un hóben pensa riba su penshun for di awor’. El a duna diferente tep tokante sparmentu i a analisá huntú ku e grupo kua tipo di spardó pa penshun nan ta.

Partisipashon Misa
di La Birgen di
Coromoto
Djasabra 26 di mart:
Bispu di 4. Djadumingu
den kuaresma
06:00 PM (Ingles)
07:30 PM

Djadumingu 27 di mart:
Djadumingu den
kuaresma
07:00 AM
10:00 AM
06:00 PM

**Boneiru bal
mas!**
Página: 3

**Limpiesa
na
Rotònde**
Página: 3

**“Polis ta bon
prepará
tokante kachó
agresivo”**
Página: 2

\$10 FREE SLOT PLAY
Sign up for your **FREE Player's Card**
and receive \$10 in **FREE Slot Play!**
Open Monday - Saturday 9am to 4am | Sunday 7pm to 3am | (598) 717-3504
diviflamingocasino.com | ATM available
DIVI FLAMINGO CASINO

xerox™
**OBERSI
ELECTRONICS
BONAIRE**

CHANGAN AUTO
CS55
f /dabboussimotors

GARTISH #1 on the island!
20% 30% SALE
TRAVERTINE STONES | BATHROOM ACCESSORIES | ADHESIVE | TOOLS | MOSAIC
KANYA BONGIO | TEL: 717-8707 | f GARTISHBON | LIKE OUR PAGE FOR MORE UPDATES

NAPA 35 AÑA
SIRBIENDO BONEIRU

LIVE FM 99

Segun Miluska Hansen:

“Polis ta bon prepará tokante kachó agresivo”

KRALENDIJK – “Polis ta bon prepará riba e tópiko di kachó agresivo”, Miluska Hansen ta bisa. E ta bosero di Kuerpo Polisial Hulanda Karibense (KPCN). Den e último lunanan vários kaso den kua kachó ta morde hende ta bin den publisidat. Tambe tabatin kaso den korte den kua un persona ta eksigí daño i perhuisio pasombra kachó a mord’e.

Diferente doño di kachó i personanan ku stima kachó ta desaprobá e manera ku polis ta atendé ora kachó morde un persona. Esaki, segun ekspertonan, spesialmente pa falta di

konosementu, di parti di e agentenan.

E bosero ta enfatisá ku polis ta bon prepará, pero di kua manera òf via kua instansia no ta konosí pa BONERIANO.

Mata kachó

Segun polis bèrdat tabatin algun kaso ku a sali fo’i man, pero regularmente polis ta risibí ‘melding’ di kachónan ku ta kore tras di hende. Tambe ta nota un oumento di kachónan riba kaya.

Tin kasonan ku kachó a morde un hende i polis a tira e kachó mata. “No ta nos preferensia pa tira



Miluska Hansen, bosero di KPCN, den kombersashon ku BONERIANO.

kachó. Pa polis yega na tira kachó, mester ta trata di peliger inmediato”, Hansen

ta amplia. E ta splika ku normalmente polis ta kana e kaminda ku lei di kachó ta dirigí. Pues ta mèldu e kachó komo peligroso, nan ta pidi gezaghèber outorisashon, nan ta papia ku e doño pa trata na remediá e situashon di otro manera. “Si esaki no logra, polis ta hasi esaki mas humanamente posibel, via un veterinario.”

Di fuentenan digno di krédito nos a komprondé ku un eksperto di kondukta di kachó a ofresé pa prepará agentenan polisial pa ku e tópiko aki. Pero ku nunca a kristalisá e intenshon.

Dokumentashon

Un di e reklamonan ku ta hopi skuchá, ta e echo ku despues ku polis tira

un kachó praktikamente e doño di e animal no ta risibí niun klase di prosèsverbal òf dokumentashon. Hansen ta desmentí esaki. “Polis ta mará na dokumentashon pues kiko ku nos hasi nos por hustifiká esaki riba papel. Si dado kaso algu no kana bon nos tin ku para responsabel p’e. Mi por imaginá, ku semper tin mal kontentu pero ora nos bai pone e historia bèk riba un liña por mira ku polis a akua di un forma korekto”, e ta bisa.

Riba nos pregunta tokante un kaso spesífiko Hansen ta kontestá: “Si un persona sinti ku e proseso no a kana bon semper por hasi un keho i aworakí asta por hasi esaki riba nos wèpsait.”

Mas esfuerso pa reforsá seguridat na korte

KRALENDIJK – Den e último simannan por nota kontinuamente esfuerso nan pa fortalese siguridat na korte di hustisia. No solamente a implementá reglanan mas strèn, pero ta opvio e kambio den aktitut di tur ku tin ku aber ku seguridat.

Ta remarkabel e kantidat di wardadónan di prezu ku

awor ta eskolta e detenidonan. Ademas, por nota kambio den nan aktitut. Banda di e bewakernan ku ta bini huntu ku e detenido, por nota algun ku ta bin na korte previo di yegada di e detenido. Nan ta kontrolá sala di korte detayá i tambe tin basta atenshon pa patio di korte.

Tambe reportero di

BONERIANO a ripará presensia di reshèrshi riba patio di korte, konstantemente den kombersashon ku kolaboradónan di Instituto Hudisial Hulanda Karibense (JICN) i Delta Security. Por konkluí ku su tarea ta pa evaluá i kontrolá e seguridat.

E potrètnan ta duna un bista riba patio di korte.



A kuminsá ku trabou di mantenshon na edifisio di korte

KRALENDIJK- A kuminsá ku algun trabou di mantenshon na edifisio di korte di hustisia.

Tur ku bishitá korte di hustisia, por nota ku e edifisio na Fort Oranje, no ta den un kondishon optimal. BONERIANO a komprondé ku ya pa basta tempu tin atenshon pa ku esaki. Na dado momentu a hasi un investigashon di e kon-

strukshon pa wak si e edifisio ta kumpli ku e kriterionan mínimo di seguridat i salubridat.

A resultá ku mester a hasi algun renobashon i konstrukshon riba korto plaso.

I awor por nota algun moveshon riba e tereno aki.

Foto: un bista di algun trabou den e edifisio.



'Freddy G' awe den Aki Boneiru

KRALENDIJK—E konosido artista Freddy G tabata di bishita na Boneiru. A probechá di kombersá ku Freddy riba



su trabou i tambe proyektanan ku e tin pendiente. Tambe Freddy a estrená su kansion mas nobo titulá “ Si un dia bo no tei.” Un kansion mester bisa ku letranan bastante konmovedor. E parti humorístiko di Freddy no a keda afó durante e entrevista. E ta konta tambe di su eksperiencia uzando su bos pa produkshonnan di Disney. Aki Boneiru ta pasa 13:00 or na Bonaire.tv

Boneiru bal mas!

KRALENDIJK – Boneiru bal mas, esaki miembro di Konseho Insular di Frakshon UPB, Esther Bernabela, a bisa durante reunion pa trata e ordenansa nobo di impuesto di turista. Na momentu ku un turista ke bini Boneiru, e ta paga loke sea. Bernabela a bisa ta di lamentá ku gobièrnu ta pèrdè entrada dor di falta di e sistema di kobraña òf falta di kontròl. Loke ta aspirá ta pa haña oumentu den e entrada, pero e mester bira real ainda. E konsehal ke pa diputado splika kiko ta e faktornan ku ta stroba

den e fayo di kobraña aki. E impuesto nobo ta bai bira 50 dòler pa un turista bini Boneiru, pero Boneiru bal mas ku 50 dòler. Na momentu ku e turista tin gana di bini Boneiru, e ta paga loke sea. Durante pandemia ku nan mester a paga hopi mas tantu pa tur tipo di tèst, ta basha nan a basha bini. Al kontrario, nan tabata paga ku plaser pa bini Boneiru. Esun ku ke bini mester paga, segun Bernabela. Bernabela ta di opinion ku mester pone un impuesto di turismo ku ta representá loke ku nos ta bisa Boneiru

ta. Si ta bai hasi algu, hasié di una bes bon. Nos mester balorá e pida baranka aki. E turista no ta bai definí kuantu ta kobra na impuesto di turismo, pero Konseho Insular ta definí esaki. E produkto turístiko ta kuminsá na momentu ku e turista pone su pia na suela, e infrastruktura. No pa menshoná ku parti di e entrada ta bai pa infrastruktura anto e ta bai pa promové Boneiru.

Mester bini un parti hopi grandi pa invertí den nos hendenan, den e kalidat di servisio ku ta duna, Bernabela a trese dilanti.

80 *aña*
1942-2022

Un mensahe di Speransa



Iglesia Adventista
di Shete Dia

BONEIRU

Limpiesa na Rotònde

KRALENDIJK – Últimamente por nota ku santu i piedra mulá ku trùknan ta transportá, ta resultá riba kaminda públiko. Na e rotònden an aki ta mas bisto.

Relashoná ku esaki, SELIBON den e periodo binidero lo bai limpia i bari tera akumulá riba kaminanan públiko i rotònden.

Tráfiko na e sitionan aki por eksperensiá algun molèster en konekshon ku e trabounan menshoná. Ta pidi e usuario di kaminda públiko i rotònde pa respetá e bòrchinan di seguridat i kore poko poko i responsabel. Ta inisiá e trabounan djadumingu 27 di mart i ta kuminsá na altura di Rotònde Sùrnan di

Roozendal dilanti misa di Playa. Despues ta sigui na e rotònde na altura di Van den Tweel.

MASAJES

Lorena esta en Bonaire desde 23 hasta 28 de marzo. Has tu cita para tus masajes! Por mas inf. enviarnos un **whatsapp** +5999 697-8838



Programanan di Bonaire.tv

TELBO kanal 70
Flamingo TV kanal 23

Djasabra 26 mart 2022

12.00 Herensia St Eustatius: Priscilla Berkel-Alexander
13.00 Aki Boneiru: Freddy Gumbs
14.00 Herensia: Chana Diaz
15.00 BAPA: Ekskavashon, Roi Lamunchi, Taki
16.00 Herensia: Antonio Sint Jago (Isla Falkon)
17.00 Aki Statia: Kmar Statia

18.00 Herensia: Frans Jozef Inocentius Booi
19.00 BAPA: Logos Hope
20.00 Aktualidat: Benjamin Visser
21.00 Aki Statia: Komedia na Statia
22.00 Herensia: Dina Veeris (Yerba)
23.00 BAPA: Robert Statie

Djadumingu 27 mart 2022

12.00 Herensia: Barbarita Statie
13.00 Aki Boneiru: Norma Pieters-Copra
14.00 Herensia: Venancio Benjamin (Pacheco)
15.30 Puerto Latino: Domacassé
16.00 Herensia St Eustatius: Luis Zárraga
17.00 Aki Boneiru: Priscilla Berkel-Alexander
Freddy Gumbs

18.00 Herensia: Chana Diaz
19.00 BAPA: Ekskavashon, Roi Lamunchi, Taki
20.00 Herensia: Antonio Sint Jago (Isla Falkon)
21.00 Aki Statia: Kmar Statia
22.00 Herensia: Frans Jozef Inocentius Booi
23.00 BAPA: Logos Hope

Tur mèrdia 12'or ta kuminsá un programashon nobo di 4 ora.

E programashon aki ta ripití pa 24:00.

Hóbennan di Key Klup Kibrahacha ku fin di siman edukativo

K R A L E N D I J K — Hóbennan di e ala hubenil di Kiwanis Kibrahacha, tin un fin di siman basta intensivo nan dilanti. Despues ku nan a instalá 19 di febrüari

último, e hóbennan ta sigui ku partinan di formashon. Nan lo haña diferente treinen di entre otro Sherwin Pourier i tambe Roosje van der Hoek kendenan

ámbos ta 'Distinguished Toastmasters'. Workshop básiko di komunikashon efektivu i 'public speaking' ta entre e dos tópikonan ku lo trata riba e dia di awe.

E hóbennan lo siña kon pa nan sinti nan mes mas konfortabel dilanti di públiko; kon pa formulá mensahenan na un manera efektivu i presentá nan pensamentu, opinion, ideanan na un manera kla i positivo. Durashon di e programa ta 3 ora i ta inklui diskushon i presentashon di un kaso ku ta reflehá situashonnan ku e hóbennan mes ta eksperensia.

Di e 'Distinguished Toastmastersnan' e hóbennan lo haña guia pa por yega na e meta pa sinti nan mas konfortabel dilanti di públiko i presentá nan mensahe na un forma ku ta pas ku nan personalidad. Divi Hotel su Peter Hughes

Room ta kaminda e hóbennan lo sigui e workshop i nan lo ta akinan for di 9'or am pa 14:00or di atardi.

èxtra
...number 1
DI NOS E TA

Anayoly Company B.V.

ta buska

1 kapper(peluquera)

-mester tin 2 aña di eksperensia òf mas

Inf. por yama **780-3942** por mail **cv na: anayoly.company.bv@gmail.com**

Ecua Bon Construction B.V.

ta buska

1 steenbewerker

Pa mas inf. por yama **782-2903**



OPENBAAR LICHAAM
BONAIRE



REUNION KONSEHO INSULAR

Presidente ta partisipá ku tin un reunion públiko (toma di desishon) djamars 12 di aprel pa 5'or den sala di reunion di Konseho Insular na Passangrahan.

Agenda:

1. Apertura/Partisipashon;
2. Tempu pa pregunta;
3. Oportunitat pa siudadano hiba palabra;
4. Dokumentonan ku a drenta (periodo 24 di novèmber 2021 te ku 25 di yanüari 2022);
5. Stipulashon agenda;
6. Stipulashon di e di tres reportahe di ehekushon 2021 di Entidat Públiko Boneiru;
7. Stipulashon Reglanan di haf Bonaire 2022;
8. Stipulashon ordenansa insular impuesto di turista Bonaire
9. Klousura;

Ta invitá Kolegio Ehekutivo. Ta publiká e konvokashon aki riba e parti públiko di e sistema di informashon di Konseho Insular (www.konsehoinsular.com). Te asina leu ku ta aplikabel, e dokumentonan konserni manera kustumber ta na Grefi na disposishon. Ta transmiti e reunion aki live riba TV i página di Facebook i Youtube.

E.E. Rijna
Presidente



ENNIA a duna presentashon



Dia 21 di mart tabatin lansamentu di Global Money Week 2022 na Terramar Museum, kaminda Natasha Scheper, eksperto di penshun na ENNIA, a duna un presentashon.

Scheper a kontestá e pregunta 'Di kon ta importante pa un hóben pensa riba su penshun for di awor'. El a duna diferente tep tokante sparmentu i a analisá huntú ku e grupo kua tipo di spardó pa penshun nan ta.



N
E

Mi a yega na e konklushon ku ni maske kiko ku mi hasi semper tin hende ku no ta gusta mi. Ta algu ku mi tin ku siña biba kuné. Mi ta un persona ku nunca a laga opinion di hende afektá mi, tampoko determiná ken mi ta. Mi tin ku atmití ku ratu ratu mi gusta e echo ku hende tin opinion di mi kompletamente eróneo. Tiki hende berdaderamente konosé mi. E dushi ta, ku e personanan ku konosé mi ta den mi bida pa aña largu.

Pero esaki ta hasi tambe ku tin bia bo ta 'ofendé' otro nan djis dor di ta bo mes. Mi tin ku simplemente aseptá ku ni maske kiko mi hasi, tin hende ta desaprobá, kritiká i trata na hùrt mi ora nan haña chèns. Klaro ku esaki no ta agrada- bel, pero mi no por tapa solo ku ún dede, ta asina e realidat ta.

Mi ta mira rònt di mi e nesesidat pa otronan gaba i gusta nan. E por bira tóksiko e nesesidat pa aprobashon di otronan. Lesadó no kompron- dé mi robes, aprobashon ta un dushi kos i ami tambe lo ke. Pero e diferensia ta, ku mi no ta laga aprobashon di otronan pone mi hasi algu òf stroba mi di hasi algu.

E lastu lunanan tra'i lomba mi ta hañando basta inspi- rashon. Nada 'waaw' djis inspirashon pa skirbi poe- sia, kuenta i algun kos mas. Nada pa públiko, pero pa ami mes, den sekresia. Mi ta sinti bon ora mi kreativitat ta bro- ta. Mi ta haña energia, asta pa purba algu nobo. Esei a pasa mi ántayera. Un grupo chikí di algun hende di barío a pidi mi pa yuda nan ku un proyekto ku nan ke bai lansa. Ku karakter periodístiko pero tambe ku hopi atenshon pa positivismo den barionan. Ainda mi no a duna un kon- testa, mirando ku mi tempu ta kòrtiku i mi tin ku bisa ho- nestamente ku no tin pago di sèn mará na esaki. Mi tin ku pensa bon. Lo ta un reto pa ami sigur komo periodista. E tópikonan ku mayoria bia ami ta profundisá, ta mas pisá i tin bia fèrfelu. Lo ta un reto pa yuda e grupo aki ku tópikonan mas leve i positivo.

Ku introdukshon impuesto di turista nobo

INHUSTIA TA BAI KABA

KRALENDIJK – Ta ko- nosí ku tin un grupo grandi ku no ta trasasá impuesto di turismo ku nan ta ko- bra e turista. Nan ta kobra e turista, pero e sèn no ta yega den kaha di gobièr- nu. Ku introdukshon di e ordenansa di impuesto di turismo nobo, e turista ta paga for di ora e drenta Boneiru i ta paga un solo impuesto kompará ku e diferente impuesto ku e ta paga aktualmente. Esaki lo bai ta un entrada èkstra pa kaha di gobièrnu. Den e promé aña ta kalkulá i ta premirá ku por drenta alre- dedor di 10.3 mion dòler. Sí kompará esaki ku añan- an promé ku e pandemia, ta mira ku esaki tabata na 4.7 mion, pues un subida di mas ku dos biaha ku ta bai risibí di e impuesto aki.

E siman aki un biaha mas e trata e proposishon di impuesto di turismo nobo. A trata esaki ya kaba durante diferente reunion di komishon, kaminda ta- batin algun punto ku a bini dilanti ku miembronan ku a deseá pa adaptá i a hasi e adaptashonnan nesesario tambe, diputado Hennyson Thielman, a bisa durante e reunion.

Inhustu

Diputado Thielman a bisa, awor aki tin un situ- ashon kaminda ta kobra impuesto di turismo pa kada turista ku ta bai keda na hotèl ku ta paga 5,45 pa kamer pa anochi. Tambe e turista ta paga kuater dòler pa kada dia ku nan hùr un outo. Den estudio ku Ofi- sina Sentral di Statistik a hasi, ta mostra ku 55% di

turista ku ta drenta Boneiru so ta paga e impuesto aki, pues gobièrnu ta faya di haña hopi entrada dor di esei. Ta papiando aki nan ta algun miónes ku no ta drenta kaha di gobièrnu ku por bai den infrastruktura, drecha e produktonan turí- stiko mes i krea áreanan di rekreashon pa komunidat.


Banda di esei, di akue- rdo ku diputado Thielman, e ta un situashon inhustu pa esnan ku sí ta paga e im- puesto aki. Nan ta kobra e turista i ta paga esaki i ki- sas tin otronan ku ta kobra e turista e impuesto, pero no ta trasasá esaki pa gobièr- nu, òf tin di nan ku ta keda sin kobr'é mes. Esaki ta algu ku pa hopi aña nos a konstatá.”

Impuesto nobo

For di aña 1998 un grupo a kuminsá studia kon por kambia e impuesto aki pa tur hende pag'é. Pa esei a analisá diferente opshon i a sinta ku ekspertonan i hen- denan i finansa mes tambe i ministerio di finansa riba e trayekto aki pa yega na algu pa sigurá ku ta yega pa kobra tur sèn ku mester generá for di impuesto di turismo.

Ta bon pa remarká, se- gun e diputado, ku e desa- royo mundial ku tin kamin- da ta reservá via on-line i esakinan no ta pasa via di e sistema di gobièrnu.

Diputado Thielman: “Loke nos ta proponé ta un tarifa kaminda tur turista ku drenta nos isla, sea via di avion òf barku, ta paga impuesto. Esaki ta pa esnan ku ta bini for di paisnan ku no ta di èks Antia ta paga 50



Diputado Hennyson Thielman.

dòler pa persona. Esnan ku ta bini for di paisnan di èks Antia ta paga 10 dòler pa persona. Mucha 12 aña bai abou, den tur dos situashon, ta paga 10 dòler. Tambe nos a sugirí pa hisa e montante pa turismo krusero ku ak- tualmente ta 3,50 pa hisa esaki na 10 dòler tambe. Ku e ordenansa nobo aki a kue diferente impuesto ku tin i hinka nan tur bou di un or- denansa ku ta bira e ora ei impuesto di turismo.”

Análisis

Loke tambe ta preoku- pashon di miembronan di Konseho Insular ta e 50 dòler pa persona i kon a yega na dje. Diputado Thielman ta splika: “Mes- ter splika ku e turista ta bai paga esaki den un tiru. Pues, sikológikamente e por ta un drèmpel pa e turista. Nos a hasi tambe un análisis a base di e análisis- nan ku tabatin kiko e turista mes tambe ta dispuesto pa paga den un enkuesta. E enkuesta ta indiká ku 38% ta dispuesto pa paga entre 20 pa 40 dòler, 42% ta dis- puesto pa paga entre 40 pa 60 dòler, 13% ta indiká 60 pa 80 dòler i 7% ta dispues- to pa paga entre 80 pa 100 dòler.” Diputado Thielman a sigui bisa, ku e impues-

to nobo aki a hasi algun kalkulashon kuantu ta spe- ra di bai haña, den e promé aña ta kalkulá i ta premirá ku por drenta alrededor di 10.3 mion dòler den kaha di gobièrnu. Sí kompará esaki ku añanan promé ku e pandemia, ta mira ku esaki tabata na 4.7 mion, pues un subida di mas ku dos biaha ku ta bai risibí di e impues- to aki. E intenshon ta pa gradualmente sigui subi e impuesto tambe.

E parti nobo ku a bini dilanti, ta esun di studi- antenan ku ta studia den eksterior ku no ta bai paga impuesto, segun diputado Thielman.

Ku e sistema nobo, di akuerdo ku diputado Thiel- man, ta introdusí un orde- nansa i a hasi e palabrashon ku ministerio di finansa ku Belastingdienst lo no bai kobra ABB mas riba kam- ber.

Inisialmente e intenshon tabata pa entrante promé di yanüari lo tabatin e or- denansa stipulá, pues un parti importante ta pa pone un fecha nobo pa e orde- nansa bai drenta na vigor. Nos konseho ta pa e dren- ta na vigor promé di yüli i esun krusero pa drenta na vigor promé di yanüari 2023, diputado Thielman ta konkluí.



Awa di pos den nos historia (5)



WATER-EN
ENERGIEBEDRIJF
BONAIRE

Pa: Bòi Antoin

Génesis: 1 Na kuminsamentu Dios a krea shelu i tera. 2 Tera tabata bashí i sin forma, e tabata kubrí ku un laman profundo den un skuridat kompletu. Spiritu di Dios tabata move riba e awa. Awa ta tur kos. Si no tin awa, no tin bida. Den un seri di artíkulo, den kuadro di ‘Dia Mundial di Awa’ (22 di mart), Fundashon Históriko Kultural Boneriano ta pone atenshon na awa den perspektiva históriko di Boneiru.

Lima

Den loke tabata konosí komo kunuku di Lima, den siglo pasá di entre otro Abraham (Bam-

bam) Neuman i Jeronimo (Noni) Nicolaas, tabatin alrededor di 15 pa 20 pos di awa dushi. Mas pegá ku Tera Kòrá a menshoná



kaba Pos Kalbas, Pos Watapana, Pos Shiki.

Pabou di e bahia di Lac, sùit di Wanapa, pabou di Isla Rancho, tambe tin algun pos indiká riba e mapa di Werbata, trahá na prinsipio di siglo pasá. Asina por mira indiká Pos Paloma, Pos di Pepe (Popo), Kueba Johni i Pos Joewana (Yuwana). Den e dos kuebanan aki por haña awa supteráneo.

Mas Pabou den e área di Lima (nort), pabou di Warahama Grandi i Warahama Chikí, por topa ku Pos di Lana, pero tambe diferente otro pos sin nòmber. Werbata, na momentu di traha su mapa, a pone mas símbolo di pos ku el a topa den e área ei.

Pos Wayaká

Pabou di e saliña entrente di e santuario di buriku, otro banda di Kaya Ir. Randolph Statius van Eps, tin un área di kleps ku diferente pos natural. Nunka a traha boká rònt di nan. Esun mas importante i impreshonante ta Pos Wayaká, ku ta indiká tambe riba e mapa topográfiko di Kadaster, tambe riba mapa di Werbata (Pos Guajaca). Ta un pos òf kueba chikí for di kua fásilmente por saka awa. Bestia, specialmente kabritu, tambe por baha sin problema pa haña di bon kalidat den e pos aki. I te ainda tin hopi kabritu ta kome den e área aki, tambe hopi buriku.

E pos aki a haña su nòmber pasobra e ta situá banda di algun palu di wayaká. Ta un

kustumber ántes pa duna pos nòmber si nan ta situá banda di un òf mas palu spesífiko. Asina tin, banda di Pos Wayaká, Pos Kalbas, Pos Watapana.

Wayaká, meskos ku entre otro palunan di huku i oliba, ta un asina yamá 'evergreen'. No tin masha palu di wayaká ei banda. I komo ku semper e palu aki tin blachi, esaki por sirbi bon komo punto di orientashon pa yega e pos aki.

Pos Mangel

Riba mapa ta mira mas pos i tanki pegá ku Pos Wayaká. Entre otro Pos Mangel i Tanki Mangel. Pero tin sigur alrededor 9 pos mas di Wayaka den direkshon nortwèst ku no tin nòmber. Un tiki mas leu direkshon nortwèst tin Pos di Hala, ku ta sera e kadena aki di pos.

Entre Pos Wayaká i e aktual Kaya Ir. Randolph Statius van Eps tin ademas un tanki natural ku awa brak. E ta 5 meter asina di hanchu. Un 60 pa 80 centimeter di hundu ora e ta yen di awa. E tabatin un plas di awa di lodo pa motibu di sekura. Eiden tin yen di kangreu chikitu.

Kangreu ku ta landa manera piská i koba buraku bai biba den lodo.

Pos Wayaká ta hundu. Grupo di eksploradó Chantiwawa a midi un profundidat di mínimo 6 meter. A fir liña bai abou pa haña kon hundu e ta. E awa ta bebibel tantu pa bestia komo hende. Sambuyadónan sa baha den dje.

Dia mundial di awa 2022 - Tuma e desafio di 1 minüt!

Desafio di video di 1 minüt:

Manda un video tokante awa di pos – hasi e invisibel visibel!

E desafio:

Nos ta pidiendo hende rònt mundu pa traha un video di 60 sekònde ku e tema: “Awa di pos – hasiendo e invisibel visibel”.

Konta nos den 1 minüt òf menos: kon awa di pos ta afektá bo bida? Tin sufisiente? E ta seif pa uza? Pakiko ta uza awa di pos prinsipalmente den bo área? Kiko mester hasi pa protegá awa di pos? Kompartí bo storia ku nos.

Kwe bo telefon òf kamara i traha un video di 60 sekònde tokante e situashon di awa di pos kaminda ku bo ta biba.

Lo proyektá un selekshon di e videonan na e “UN-Water Summit” tokante awa di pos na dezèmber 2022.

Instrukshonnan básiko pa filmashon:

- Máksimo 1 minüt. Mantené bo videonan 60 sekònde òf ménos.
- Usa pantaya hanchu. Traha e video den moda horizontal.
- Papia na bos haltu. Hasi uzo di un bon mikrófono.
- Ser sivilisá. Mantené bo video respetuoso i konstruktivo.

Otro pos

Mazarella Jansen a konta di diferente otro pos den e kadena di pos di Wayaká bai nortwest. "Nos a bolbe enkontrá ku un otro pos. Esaki tambe nos a eksplorá. Mi mester a kita mi kèts pa mi a baha den dje bai wak kon profundo e ta bai. E no ta fásil pa dreña. Esaki tabatin un profundidat di masoméno 40 sentimeter di awa, pero e tin un grandura di masoméno 2 pa 3 meter hanchu. Finalmente nos a topa un buraku E ta un buraku den superfisie. No ta

fasil pa hañ'é. I e ta peligroso tambe. Pero mi a tuma kurashi baha den dje. Ora bo baha den dje bo ta haña awa. E awa aki ta masomenos 10 pa 15 sentimeter di profundidat. Eiden ta un souna natural. Bo baha sinta eiden un ratu i bo ta sali papa sodá. Eiden tabata yen di sòldachi."

Rancho Negro

Den serkania di Pos Wayaká i Pos Mangel tin loke hendenan di Tera Kòrá tabata yama Rancho Negro, nort di Saliña Abou

(Blauwe Pan). Pader Nooyen a skirbi tokante e sitio aki, kaminda e katibunan ku tabata traha den saliña pa saka salu tabatin nan ranchonan di piedra kubrí pa palu i yerba di kuchú. Nan tabata permanesé den e ranchonan promé ku a traha e 'kasnan di katibu' despues na Kabayé (Witte Pan) i Peleké (Oranje – Rode Pan).

Segun Wilhelmina (Mimina) Seraus i Analuisa Bomba di Tera Kòrá, nan a lanta haña e hendenan di nan barío ku a traha na Saliña, tabata saka awa di bebe for di Pos Wayaká.

Colá Scherptong di Tera Kòrá a hiba Nooyen Pos Wayaká. El a hasi menshon di esaki den su buki 'Isla di Papa Cornes'.

Langsberg Putten

E dos posnan mas sùit di Bo-neiru ta indiká riba mapa di Kadaster komo Langsberg Putten. Ta dos pos pegá ku otro.

I un tiki mas pa nort di nan tin un pos yamá Flambaai Put.

E tres posnan aki ta situá djis pa nort di Willemstoren, na otro banda di kaminda. No tin masha konosí tokante orígen di nan nòmber.

E katibu i despues otro hende ku a traha den e saliña di Peleké (Oranje Pan) a haña awa for di e tres posnan aki.

Ta probabel tambe ku e wardadónan di torno tabata haña for di e posnan aki pa bebe i pa uso diario.



- Ta eksakto. Kontrolá/revisá bo echonan.
- Bo mester tin pèmit pa hasi uzo di musika di tersera òf imagennan pa e video.
- Pa video nan ku no ta na Ingles, porfavor pone sùbtítulo na Ingles.

Algun tep:

- Konta un storia – hende gusta un bon storia. Un mensahe importante no ta suficiente pa mantené un opservadó/miradó/espektadó su atenshon. Un storia mester keda komuniká di un manera konvensiente pa e opservadó/miradó/espektadó por keda kordá e video despues.
- Ángulo – Un bon storia mester di un ángulo interesante. E storia ta pegá na bo kurason? E ta algu ku bo ta un eksperto den dje òf afektá direktamente dor di dje?
- Focus lokal/regional – Storianan general por ta útil, pero situashonnan spesífiko en partikular lokashon ta mas konvensiente, ya asina hende por mira kiko e situashon ta riba e tereno.

Kon pa partisipá:

- Subi bo video di 60 sékonde riba Youtube òf Vimeo i kompartí esaki riba media sosial usando #MyGroundWaterStory i #WorldWaterDay
- Manda e lenk na mygroundwaterstory@un-igrac.org
- Inskripshon pa e konkurso ya ta habrí. Tin e posibilidat te ku 20 di novèmber 2022 mei anochi (CET) pa dreña e konkurso.
- Despues di e fecha aki, lo hasi kompilashon di un selekshon i proyektá esakinan na "UN-Water Summit" di awa di pos na dezèmber 2022.



Islanan grandi di sargassum ta menasá Boneiru

Un drama ambiental ketu

KRALENDIJK – E problema ku Boneiru ta konfrontando kuné dor di entrada grandi di sargassum den prinsipalmente bahia di Lac, ta haña atenshon mundial. Asina Trouw ta skirbi ku islanan grandi di sargassum ta menasá Boneiru, loke ta un drama ambiental ketu. Tur e informenan ku ta sali publiká ta referí na e falta di atenshon di ministerionan di Hulanda pa aliviá e situashon i yega na un alternativa duradero.

Pa añanan Boneiru ta sintá ku e problema di invashon di sargassum, un tipo di lima ku ta yega kosta den kantidatnan grandi i destruí e bida na kosta. No tin solushon tékniko pa e drama ambiental ketu aki, Rob Buiters ta puntra den su artíkulo.

Tres dia nan tin tempu, sí e sargassum keda mas riba kosta boneriano, e ta putri i hala tur e zürstòf for di laman, ku konsekvensianan desastroso pa medioambiente. P’esei tin un kantidat di boluntario, armá ku skòp, harpa i krenwá pa kita e sargassum i pon’é riba monton.

“Sí bo no sa mihó, esaki lo ta un dibertishon dushi pa bo,” Jan van der Ploeg ta bisa. E ta direktor di STI-NAPA, e fundashon ku ta manehá parkenan nashonal na Boneiru, inkluyendo e mondinan di pal’i mangel na kosta sùitwèst den Parke Marino, ku tur e refnan di koral i rikesa na bida bou di laman ku ta konta aserka.

“Nos ta yama tur hende pa bin yuda pa kita e sargassum, di studiante te hendenan den Reclasing,” van der Ploeg ta bisa. I asina por sosodé ku algun èks detenido ku banchi, ta den solo limpiando, huntu ku un penshonado merikano, ku ta di fakansi na Boneiru. Trabou sushi e ta parse, tur e hendenan te na nan rudia pará den kapa diki

di sargassum, ku nan fòrki pa saka e lima pa despues loader hiba e lima akumulá den trùk.

Imágen di satélite

E problema e aña aki ta bata mas tempran kompará ku e añanan anterior, van der Ploeg ta konta. Na 2018 pa promé biaha Boneiru a hañ’é ku kantidat grandi di sargassum dilanti kosta. For di e tempu ei e problema a sigui na luna di aprel i mei tur aña. E aña aki e promé manchanan a yega ya for di febrüari, pues ta di wak kon ta na aprel. Organishon di espasio, Nasa, ta manda regularmente imágen di satélite, riba kua por mira unda e islanan grandi di sargassum ta drif i unda posiblemente nan ta yega kosta.

Sargassum ta un grupo di diferente tipo di lima ku ta biba por parti den fondo, pero tambe por parti ta drif komo islanan bèrdè enorme riba Laman Sargasso i Oséano Atlántiko.

“E ta yena un funshon ekológiko importante,” van der Ploeg ta konta. Islanan di lima ku ta drif ta sitio di skonde i pa piská pone webu i turtuganan yòn tambe ta haña protekshon.

Pero desde 2011 e sirkunstansia ta kambiando. Probablemente dor di kalentamentu di laman i dor di oumento di kantidat nutriente ku ta sali den oséano for di riu di Congo òf Amazona, e kantidat di sargassum ta oumentá. No solamente Karibe ta sinti esaki, pero tambe den Golfo di México i dilanti kostonan di Sur Amérika i tambe Afrika, ta haña ketu bai mas sargassum.

“E ta un drama ketu,” van der Ploeg ta enfatisá. Sargassum ta spula dreña e bahia na sùitost di Boneiru, finalmente ta resultá den e palunan di mangel. Esaki ta stek e raisnan. Ku un kanti-

dat di aña riba un rei ku tin e problema aki, ta ripará ku e palunan di mangel mas pafó ta muri, meskos tambe e áreanan di lima dilanti kosta, ku tòg ya ta bou di preshon, ta sufri di esaki. I kiko ta pensa di turismo, dor ku sargassum ta putri dilanti kosta, ya pa algun aña un nubia di webu putri ta bula riba e isla. No realmente rekomendabel.

Solushon tékniko

Un grupo di investigadó di Wageningen bou di guia i Ana Lopéz Contreras, ta buska solushon tékniko pa e problema. A base di lima komparabel ya nan sa pa traha boi kombustibel, riba kua outo por kore. E ta funshoná, pero komersialmente ainda no ta alkansabel.

Pa otro adaptashon ku bio gas òf kombustibel, tin mas pa hasi, segun e investigadó. Pasobra sargassum ta pone hopi arséniko natural riba medioambiente, e grado di venenu lo ta muchu haltu pa sin purifikashon mas aleu us’é komo kòmpòst pa agrikultura, laga para pa uso direktamente komo alimento pa bestia òf hende.

Van der Ploeg ta reservá tokante e aserkamentu teknológiko aki. Pa hasi sargassum usabel komo materia, mester saka esaki djis despues ku e yega kosta. Ta ei nan solamente e ta konsentrá sufisientemente i ainda no a meskla ku santu. Pero pa esaki mester hasi uso di fòrki spesial. Seguidamente mester traha un fábrika kaminda e ta fermentá.

“Pa medioambiente di Boneiru e problema ta muchu grandi, pero sí e kantidat di sargassum tambe ta sufisiente pa un fábrika rendabel, esaki mi ta puntra mi mes. I ainda tambe, ken ta bai invertí den un fábrika ku ta entregá materia sola-



mente un òf tres biaha pa aña,” segun van der Spoel.

Lopéz Contreras tambe ta mira e opheshon: “Den un sistema di proyekto nobo nos ke wak na un kombinashon di sargassum ku elaborashon di sushi gift na Boneiru, pa seguidamente traha bio gas. Esaki lo ta un paso bunita pa hasi Boneiru mas duradero.”

Pos di karbon

Kaminda e investigadónan di Wageningen ke hiba e lima na balor, e fundashon Climate Cleanup ta pensa kon literalmente por hasi e lima un pos di karbon. Di naturalesa sargassum ta disparsé den fondo den Laman Sargasso, kaminda seguidamente despues di miónes di aña ta keda transformá den petroli òf gas, Eelco Leemans di Climate Cleanup, ta bisa.

Kiko awor, di aselerá hiba kantidat grandi di lima den fondo di laman. E úniko motibu ku e ta drif, ta e blasnan ku tin den e lima. Ingenieronan ta sigurá nos ku por hiba e lima na un profundidat di un meter sinkuenta, pa despues e mes senk mas aleu. Parti nort di Boneiru tin un pida laman di tres kilometer hundu, pues esaki ta un área perfekto kaminda ainda por eliminá un kantidat grandi di karbon for di e sistema, segun Leemans.

Den teoria e por, Leemans ta pensa, pues awor ta un kuestion di buska plaka pa hasi e promé eksperimentonan. Ya nos tin un kompania marítimo interesá ku gustosamente ke hasi e eksperimentonan.

Van der Ploeg di su parti preferiblemente ke mira ku por lo ménos un parti di e plaka keda invertí direktamente pa solushonnan teknológiko den medidanan simpel pa mantené e lima for di naturalesa di kosta vulnerabel.

“Tempu ku 2018 pa promé biaha nos a haña nos mes ku e problema aki na eskala grandi, e ministerionan di agrikultura, naturalesa i kalidat di kuminda i di infrastruktura i maneho di awa, a duna di konosé ku lo pone sèn disponibel pa e trabounan di limpieza. Entre tantu ketu bai nos ta trahando ku bumnan bieu ku ta usa pa limpieza di zeta riba laman,” segun van der Ploeg. Pa protehá henter e bahia i mondinan di pal’i mangel, nos mester di minimal 2800 meter di bum. E ora ei ta papia di 450 mil dòler pa protehá e úniko mondi di pal’i mangel grandi den nos Reino.

Pero dor di burokrasia i derecho estatal ku probablemente ta bini aserka, te ainda nos no a mira niun depchi di e ministerionan, van der Ploeg ta bisa.

Mas moshon sperá

KRALENDIJK – E debate di djáron ultimo di e komishon fiho di relashon di Reino di Tweede Kamer ku Sekretario di Estado, Alexandra van Huffelen, djamars mèrdia otro siman ta haña kontinuashon, den

forma di un debate di dos minüt den e sala plenario.

Ta spera ku CDA, D66, PvdD i CU, tambe lo entregá moshon i esun di Joba van den Berg di CDA lo tin relashon di e invershon di 30 mion euro èkstra ku

Gabinete ke invertí èkstra anualmente na Boneiru, St. Eustatius i Saba.

Tweede Kamer tin miendu ku e ministerionan ta bai finansiá aktividatnan ku te awor ta pagá dor di nan propio presupuesto.

Moské den sentro di Playa



Sentro di Playa a haña un moské nobo. E foto aki saká pa Tio Pepe, ta ilustrá kon bunita e moské aki a keda.

Konekshon área di konstrukshon

KRALENDIJK -- Den kuadro di konekshon den e área di konstrukshon, ROA CN a invitá vários kompania lokal relativamente chikitu, pa bini huntu. Ku un

bon futuro en mente i buskando e kombinashon korekto pa habri porta pa nan mes i studiantenan den área di konstrukshon i téknika, e enkuentro tabata unu fruk-

tífero. Di e forma aki konhuntamente ROA CN i Bon Procurement, por amplia e bista pa ku merkado laboral i spesífikamente pa loke ta trata konstrukshon.



Bouw & Infra

Ladronisia na sitio di sambuyá

KRALENDIJK -- Djáron 23 di mart a drenta keho di ladronisia for di un outo ku tabata stashoná na e sitio di sambuyá 'Jeff Davis Memorial'.

Entre kuartu pa kuater i 5'or di atardi, miéntras e shofür i e otro okupante

dje outo tabata sambuyá, deskonosinan a forsa dos bentana i a bai ku vários artíkulo.

Nan a bai ku entre otro un iPhone 12 PRO i un pòtmòni ku diferente tarheta i sèn kèsh komo kontenido.

Ta investigando e kaso.

NOS A TOPA



Geto, eh eh, amigu di tempu mi tabata mucha. Si sua òmbre! Sakando potrèt na un entierro, mi a pidi e hende pa kita tapaboka djis un ratu i momentu el a baha e kos ei, un bes sin ku mi tabata sospecha nada, Mi di den mi mes e brò aki ta Geto! Mi a puntr'é un bes i e di: "Asina mes". Poko despues nos a kom-bersá basta un ratu. 33 aña sin mira otro. Mi sa puntra su ruman èks diputado Edsel p'e. Mi tabata topa Edsel hopi komo nos trabou. Nan kara ta mes mes kos. Momentu mi a papia ku Geto, un persona di: "Ahan boso ta amigu?" Mi di ku e señora, sòri, nos ta ruman. Amigu ta poko pa nos amistad. Geto tabata bon amigu di Spik, yu di defuntu diputado Cai Marsera. Spik tabata basta un poko trabahoso. Geto a bisami, e ta bin Boneiru ku regularidat, sinembargo nunca nos a topa. Nos a papia di †Bertje, Yames, Stick, Makwik. Ta nos ei a lanta i tabata kore riba kaminda hunga bala. 1 outo tabata pasa den kada 10 pa 15 minüt den Sabana, awendia 10 den 1 minüt. Promé bia mi a tende su nòmber, ora mi a puntr'é si e tin facebook, e di si, Gregory. Semper semper mi a tende Geto. Mi kuné ta bon amigu i ku su ruman Edsel, ta awó nos a konosé otro poko mas di aserka. Tempu ami i Geto nan tabata kore bai bin den Sabana i Senkuria, Edsel nèt a kuminsá biba e bida sin pampers. Mi por konta un buki di nos tempu. Kisas mas despues mi ta hasi esei. Mi tin masha masha hopi kos pa por skirbi. Sigur hopi kontentu di a top'é.



CHANTIWAWA RIBA RÒNDU

Pa' Bòi Antoin

Tin tres djadumingu kaba ku Chantiwawa ta ketu. Mañan tampoko mi no ta mira ku nos lo bai mondi. Òf mester ta algu

leve i kòrtiku, komo ku e si-man aki mi no tabata sinti masha bon. Pero m'a bai kana sí dos biaha atardi riba un di mi rutanen fa-

borito. Ta un ruta di maso-ménos 8 kilometer riba kua mi ta tuma masoménos un ora i mei.

Kanamentu ta yuda.

Spesialmente ora bo no ta sinti bo mes bon. Bo mes-ter sali fo'i kas, kue un tiki aire fresku.

E ta yuda.

Tantu djárasen komo djaweps m'a kana mesun ruta. Sali fo'i kas, krusa Den Stashi i Den Tuna, pasa pabou di Seru Angola, despues kita na man robes, sali na e anterior Fèlt di Estrellas òf Pal'i Tamarein, subi kaminda di Rincon, bai direkshon nort pariba di San Barbola, en-frente e entrada di bario Bonabista subi kita na man robes subi e kaminda di tera bai pabou i sali na kas di Crelia, nèt na e kaminda ku ta bai Republiek i Seru Largu.

Sushi

E biaha aki m'a bai ku kámara pa, manera nan ta bisa, inmortalisá e ruta aki. Mi mester bisa ku m'a topa ku kos bunita, ménos bunita i asta bistanan mahos, desagradabel i bergonsoso.

Por ehèmpel sushi kant'i kaminda. Koriendo den outo bo no tin un bista kuantu sushi, spesialmente bòter, tin kant'i kaminda. Inkreibel! Pasando den outo bo bista no ta yega bou di e ramanan pa mira kuantu bòter di serbes i limonada tin bentá.

Diariamente por mira trahadónan di Selibon ta piki sushi kant'i kaminda. Nan ta hasiendo un bon trabou. Mester aploudí loke nan ta hasi, pero nan no por yega na e bòternan ku tin mas paden bou di rama. I kere mi ku tin hopi porke-ria. Esnan ku no ta kere ta invitá pa kana e ruta aki ku mi. Anto esaki ta nada kompará ku otro kamind-anan, tantu asfaltá komo di tera. Nos ta gaña nos mes flagrantemente ora ku nos pensa i bisa ku Boneiru ta limpi. Lubidá e 'soño' ei. Kana ku mi i bo ta ripará. Ami lo bisa ku Boneiru ta ménos sushi ku e islanan mas sushi kuné.

Dùmp

Banda di bòter, kùp i otro

Rijksvastgoedbedrijf
Ministerie van Binnenlandse Zaken en
Koninkrijksrelaties

Te koop

Politiepost Rincon

Bezichtigingen

29 maart 2022
en
31 maart 2022

Sluiting Openbare inschrijving

15 aug. 2022
om 11.00 uur

Verkoop voormalige Politiepost Rincon

Het Rijksvastgoedbedrijf is namens de Nederlandse staat verantwoordelijk voor de verkoop van de voormalige politiepost in Rincon, Bonaire.

Het pand wordt individueel verkocht via een openbare inschrijving door het notariskantoor van mr. Kenneth F. Arends & Partners op Bonaire.

Objectinformatie

Adres	Kaya Rincon 3, Bonaire
Verkoopprocedure	Openbare inschrijving
Huidig gebruik	Leegstaand Gebouw
Oppervlakte (BVO)	348 m ²
Perceelgrootte	7.170 m ²
Bouwjaar	1984

Ligging

Het gebouw van 1984, heeft een oppervlakte van ca. 348 m² BVO en is gelegen op een perceel van 7.170 m². Het ligt naast een voetbalveld en aan de verbindingsweg tussen de hoofdstad Kralendijk en het dorpje Rincon.

Mogelijkheden en bestemming

De huidige bestemming is 'Maatschappelijk-Bestuursgebouwen'. Voor vrijwel alle nieuwe functies en opvolgend gebruik zal een wijziging van de bestemming nodig zijn. Het Openbaar Lichaam Bonaire (OLB) heeft hiervoor aangegeven dat een breed scala aan mogelijkheden denkbaar is.

Verkoopprocedure

Het object wordt verkocht via een openbare inschrijving met voorwaardelijke- en onvoorwaardelijke biedingen. Op www.Biedboek.nl is daarover uitgebreide informatie te vinden. Tevens is er gelegenheid om een inkijkexemplaar met de uitgebreide omschrijving in te zien tijdens de bezichtigingen of op het Notariskantoor Mr. Kenneth F. Arends & Partners te Bonaire.

Bezichtigingsdagen

Wij stellen u in gelegenheid om het object te bezichtigen op:
Dinsdag, **29 maart** van 11.30 uur tot 13.30 uur
Donderdag, **31 maart** van 11.30 uur tot 13.30 uur

Sluiting Openbare inschrijving

Tot uiterlijk **maandag 15 augustus 2022 om 11.00 uur** kunnen belangstellenden een Bieding uitbrengen.

Notariskantoor

Mr. Kenneth F. Arends & Partners
Kaya Libertador Simon Bolivar 5
Kralendijk, Bonaire
T: (00599) 717 1619
E: info@notarisarends.com

Informatie

Met vragen kunt u terecht bij biedboek@rijksoverheid.nl.

biedboek.nl

www.facebook.com/politiepostrincon

artefakto ku hendenan irresponsabel ta tira fo'i outo, tin tambe e sushinan tirá den mondi. E dñmpnan ilegal. Selibon ta hasi e sitionan aki limpi, pero no ta dura masha ku tin sushi atrobe na e mesun sitionan.

Mi ta di opinion ku Selibon ta hasiendo bon trabou, pero mi no por bisa ku e direktorado Toezicht en Handhaving ta hasi nan trabou manera mester ta. Den hopi di e sushinan tirá den mondi ku mi ta topa riba mi rutan den mondi tin spor ku ta musta den kua direkshon mester bai pa gara e malechornan.

Tempu ku polis ambiental tabata kai bou di Selibon mi tabatin bon entendementu ku nan. Especialmente Elvis Cecilia tabata aktua rápido i atendé ku esnan ku ta tira sushi den mondi. Mi no por bisa esaki di Toezicht en Handhaving, anke m'a yega di duna nan tep. Mi no sa si nan a aktua. Mi no ta bai pèrdè tempu mas ku nan.

Kadaver di outo

Tambe ta hala atenshon e diferente kadavernan di outo i skuter ku a keda den mondi, tin bes den anterior kunukunan, despues di 'joyriding', awendia mas bien ladronisia di outo. Algun di nan kimá despues pa e malechornan.

Tin di e outonan aki ta bon skondí den mondi. Mientrastantu mi tin un bista riba e sitionan skondí alredero di Antriol i Nort di Saliña na unda nan ta hiba e outo i skuternan aki pa plùnder nan, kita tur piesa, pa laga nan bandoná atras.

Djaweps m'a probechá tambe pa subi tereno di kunukunan bandoná pa saka foto di algun rancho òf kas di kunuku.

Pabou di Seru Angola m'a saka foto di e úniko transhi di Boneiru. Kurá di piedra trahá segun e sisma rubiano. Esaki na kunuku di Jozef Ridderstaat, pabou di Seru Angola.

E entrega di awe di 'CHANTIWAWA' ta pa boso sinta pensa kiko nos ta hasiendo ku nos isla. Reflehá riba kiko nos ta hasiendo ku nos mes.... Un mensahe pa pone bo yora si realmente bo stima e isla aki.



Detenshon pa maltrato

KRALENDIJK -- Patricia en konekshon ku maltrato. Djaweps 24 di mart alredero di kuartu pasá di diesun di anochi, Polis a detené e hòmbler di inisial B.J.F. di 53 aña di edat na Kaya Dr. Grigorio Hernandez.



WATER- EN ENERGIEBEDRIJF BONAIRE

Web is op zoek naar een zelfstandige en klantvriendelijke Electricity Distribution Technician B

Water- en Energiebedrijf Bonaire N.V. (WEB) is opgericht in 1963 en is eigendom van het Openbaar Lichaam Bonaire. Als 'exclusief' multi-utilitybedrijf is WEB verantwoordelijk voor duurzame, betrouwbare en betaalbare levering van drinkwater en elektriciteit aan ruim 10.000 huishoudens, bedrijven en organisaties en de verwerking van afvalwater en distributie van irrigatiewater op Bonaire.

De energie- en (afval)watervoorziening op Bonaire draagt bij aan de duurzame ontwikkeling van het eiland. De bevolking neemt toe, het toerisme ontwikkelt zich, Bonaire is een groeiende markt. In de komende jaren zal er veel geïnvesteerd moeten worden. Alleen dan kan de betrouwbaarheid, betaalbaarheid en kwaliteit van de energie- en (afval)watervoorziening op een peil worden gebracht dat past bij het zich snel ontwikkelende Bonaire.

Het team van WEB telt ruim 140 medewerkers. Zij werken samen onder het motto: 'Let's do it together', in een sterk besef dat WEB van en voor de gemeenschap op Bonaire is.

WEB HEEFT EEN VACATURE VOOR EEN FULLTIME: Electricity Distribution Technician B

Functie

- Ressorteert onder Electricity Distribution Team Leader
- Ondersteunt bij het verrichten van installatie- en onderhoudswerkzaamheden aan netten, stations en huisaansluitingen
- Verricht metingen in netten en stations
- Assisteert bij het verrichten van schakelhandelingen
- Ondersteunt bij het maken van hoogspanningskabelverbindingen
- Verzorgt plaatsing en wisseling van meters
- Verricht werkzaamheden op hoogte (onder meer op een ladder of in een hoogwerker).

Functie-eisen

- MBO werk- en denkniveau, bij voorkeur technische opleiding op het gebied van electrotechniek.
- Aanvullend met certificering Veilig werken met hoogspanning' (schakelbevoegdheid Vakbekwaam Persoon (VP))
- Enkele jaren ervaring in een vergelijkbare functie
- In bezit zijnde van rijbewijs B en C
- Persoonlijke eigenschappen als zorgvuldig, stressbestendig en flexibel
- Beheersing van de talen: Nederlands, Papiaments, Engels en Spaans

Sollicitatie

Indien u in aanmerking wenst te komen voor deze functie, ontvangen wij graag uiterlijk 4 april 2022 uw sollicitatiebrief met uitgebreide motivatie en Curriculum Vitae t.a.v. de afdeling Human Resources per e-mail: info@webbonaire.com

Water- en Energiebedrijf Bonaire N.V. • WEB-gebouw, Kaya Gresia 6 • P.O. Box 381
Kralendijk, Bonaire CN T +599 715 8244 • F +599 717 8756 • Storingsdienst (24/7) T 9215
E info@webbonaire.com • www.webbonaire.com

let's do it together

Katóliko sin título i ku título

Pader Fernando Pascual

Den algun debate tokante aspektonan di moral o di doktrina katóliko, tin esnan ku ta suprayá título o falta di título di e partisipantenan den diskushon.

E fenómeno ta simpel. Ta kuminsá un diálogo tokante origen di Spiritu Santu, òf tokante moral matrimonial, òf tokante Derechi Kanóniko. Diferente persona ta partisipá pa duna nan opinion. Direpente, un ta deskualifiká un otro simplemente pasobra e no tin título, pasobra e ta un simpel komentadó, komo ku e tin sinku luna ku el a kombertí, pasobra su pasado tin basta mancha, ets.

Otro be esnan ku no tin ningun título ni estudio importante ta insistí ku e mundu den kua nos ta biba, habrí, demokrátiko, pluralista, kaminda tur hende por papia riba kualke punto. Dikon, riba kontesta den sierto debate, ke pa nan sera nan boka? Nan lo no tin derechi, manera kualke persona batisá, pa duna nan punto di bista?

Enfrentá e situashon por ser hasí for di hopi perspektiva. Un di nan ta simplemente humano, natural. Otro ta teológiko, segun e doktrina katóliko. Laga nos para un ratu kòrtiku ketu na e dos perspektivanan aki.

For di un punto di bista natural, ta importante kòrda ku un bon argumento lo ta independiente di esun ku ta formul'è òf ta ripitié. E por ta ekspresá pa un profesor di fama mundial òf pa un trahadó sin estudio. E bèrdad di loke a ser bisá no ta "oumentá" si ta un especialista a tresé dilanti ni ta disminuí si ta un persona ku no sa skirbi ni lesa a formul'è.

Lo kontrali, falsedat no ta laga di ta esaki si ta un gran studioso ta asumí i ta divulgé, òf si ta algun mil persona ku no a studia e tema ta ripitié pero ku ta partisipá den un encuesta riba Internet.

Ni título ta hasi loke ta robes bèrdad, ni kantidat ta kombertí un opinion eróneo den algu aseptabel.

Rekonosé loke a bin dilanti, den un debate entre personanan di nivel kultural diferente no ta importá tantu ken ta afirmá algu, sino loke e ta bisa. Pretendé di sera boka di e oradó pasobra e no tin título sin fiha bo mes riba loke e ta bisa ta algu masha engañoso,

esta ku ta buska pa skonde un mensahe ku fin di mata e mensahero.

Mester enfatisá ku na un prinsipio un especialista lo tin mas kompetensia ora di papia di un tema si ta kompar'è ku un hende ku simplemente a lesa òf a skucha algun idea tokante e argumento en kestion. Pero kompetensia no ta garantia pa bisa bèrdatnan apsoluto.

Ku hopi título tin esnan ku ta kibuká nan mes òf inkluso, esnan ku ta gaña; manera tambe, sin título, tin esnan ku ta bisa bèrdatnan simpel ku ta riba deklarashon di personan ahenan ilustre i aploudí na nivel nashonal o internashonal.

Loke a ser bisá te awor ta reflehá algun aspekto simplemente natural ku ta bal pa debate entre katólikonan (òf entre katólikonan i no kreyente). Ta eksistí, ademas, otro perspektiva, teológiko, ku ta mas importante i desisivo riba e temanan akí.

Den Konsilio Vatikano II nos ta haña un importante afirmashon tokante e bèrdatnan ku esnan batisá ta aseptá. E teksto ta bisa asina:

"E pueblo santu di Dios ta partisipá tambe di e don profétiko di Kristu, anunsiando su testimonio bibu prinsipal pa medio di e bida di fe i di karidat, ofresiendo na Dios e sakrifisio di alabansa, e ofrenda ku nos lepnan ta ofres'è ora nos ta alabá su nòmber (cf. *Heb* 13,15). universalidad di fielnan ku tin e unshon di esun ku ta Santu (cf. *1Hn* 2,20 y 27) no por faya den su kreensia, i ehersé esaki su pekuiliar propiedat mediante e sentimentu sobrenatural di e fe di hinter e pueblo, ora« for di obispunan te hasta e último fielnan seglar» ta manifestá e aseptashon universal den kosnan di fe i di kustumbernan. Ku e sentido aki di fe ku Spiritu Santu ta move i ta sostené, e pueblo di Dios, bou di direkshon di e sagrado magisterio, kua nan ta sigui fielmente, i ta risibí, ya no palabra di hende, sino e berdadero Palabra di Dios (cf. *1Tes* 2,13), i ta mantené su mes den forma indefektibel na fe unabes konfiá na e santunan (cf. *Jud* 3), ta penetrá profundamente ku rektitut di huisio i ta apliká mas kompleto den bida" (Konstitushon dógma-



tiko *Lumen Gentium* n. 12).

E teksto akí ta duna na komprondé ku fielnan, bou di e lus di e magisterio (Papa i obispunan), ta yega na risibí e Palabra di Dios, ku no ta kibuká su mes i asina den temanan di fe i di kustumbernan ku ta

alkansá konosementu di bèrdatnan ku ta iluminá nan mente i ta guia nan akshonnan.

Ta p'esei un kreyente ku fe outéntiko perfektamente por ofresé su puntonan den un debate, sin keda tolondrá dilanti esnan ku ta ridikulis'è pasobra e tin poko estudio òf ningun título. Pa papia di Dios no ta diploma ta importante sino fe.

Naturalmente, si título ta reflehá un estudio honesto i serio ku ta permití komprondé e doktrina katóliko mihó, nan ta bonbiní. Nan lo yuda hopi no únikaamente pa krese den fe, sino

pa dialogá ku esnan ku no ta kere, pa por ofresé splikashon na esnan ku ta pidi motibu di nos speransa (cf. *1Pe* 3,15). Pero únikaamente nan lo tin sentido for di fe i pa fe.

Anto, pa konkluí, ta mihó e katólikonan ku título òf e katólikonan sin título? Ta mihó, ku òf sin título, e katólikonan ku ta risibí, kultivá i biba e don maravioso akí di fe ku ta permití nan forma parti di Iglesia i ta anunsiá na henter mundu e gran notisia di Kristu Salbadó.

PROGRAMA DI E SELEBRASHONNAN

DJAMARS 7:00 pm | EUKARISTIA

DJAWEPS 6:30 pm | ADORASHON EUKARISTIKO

DJABIERNE 6:00 pm | KAMINDA DI KRUS

DJASABRA 7:00 pm | EUKARISTIA

DJADUMINGU

6:00 am | PAPIAMENTU
9:00 am | PAPIAMENTU
11:00 am | INGLES



Parokia Santa Familia

SIMAN SANTU
HOLY WEEK

Tuma kontakto ku nos:

Mgr. Nieuwindstraat 25

(5999) 462-3413

misasantafamilia@gmail.com



SIMAN SANTU I TRIDUO PASKUAL

HOLY WEEK

10 april DJADUMINGU DI RAMA

PALM SUNDAY OF THE LORD'S PASSION

6:00 am | PAPIAMENTU
8:30 am | PROSESHON DI RAMA
9:00 am | PAPIAMENTU
11:00 am | INGLES

12 april MISA KRISMAL NA KATEDRAL

CHRISM MASS

7:00 pm | NA MISA DI PIETERMAAI

14 april INSTITUSHON DI SANTU EUKARISTIA

HOLY THURSDAY
EVENING MASS OF THE LORD'S SUPPER

6:00 pm | INGLES
7:00 pm | PAPIAMENTU

DJASABRA 16 april | 10:00 am

Di a sirbishi i limpia den Misa!

15 april KONMEMORASHON PASHON I MORTO DI HESUS

GOOD FRIDAY OF THE LORD'S PASSION

3:00 pm | PAPIAMENTU
INGLES

16 april VIGILIA PASKUAL

HOLY SATURDAY AT THE EASTER VIGIL

8:00 pm | PAPIAMENTU
INGLES

17 april PASKU DI RESUREKSHON

EASTER SUNDAY THE RESURRECTION OF THE LORD

9:00 am | PAPIAMENTU
11:00 am | INGLES

18 april DI DOS DIA DI PASKU

MONDAY IN THE OCTAVE OF EASTER

9:00 am | PAPIAMENTU

IMÁGENNAN DI NOS PASADO - BEELDEN UIT ONS VERLEDEN

Barku di karga Hannover na waf

Den añanan sesenta i setenta ainda no tabatin barku di kòntainer den haf di Boneiru. Karga tabata bini lòs. Foto ta mostra e barku di karga Hannover mará na waf na 1968.

Vrachtschip Hannover aan de pier



In de jaren zestig en zeventig waren de containerschepen nog niet bekend in de haven van Bonaire. Vracht werd los vervoerd. De foto toont vrachtschip Hannover aan de pier in het jaar 1968.



MONCHI & TONCHI

Tonchi, mi ta haña ku Magno mester pasa nos e redunan di riba vèlt tambe.

Awèl sí, 'vooral' ora ku tin badabada riba vèlt.



KOLOFÓN

Editor Bonaire
Communication
Services N.V.
Kaya Irlanda 12,
Tel. 717-8482

E-mail:

extrabon@gmail.com

Wèpsait:

www.extraboneiru.com

Direktor

Shirley Martis

785-3824

796-3824

Hefe di redakshon

Bòl Antoin

786-6818

Redakshon

Armand 'Papi' Antoin

Davienuska Janga

Velli Gijsbertha

Nathaly Evertsz

Edson Pietersz

Ibi Piar (deporte)

Partner na Aruba

Awe Mainta

Partner na Aruba

Extra

Layout

Davienuska Janga

Aviso

avisobon@gmail.com

Parke Nashonal Shete Boka nombrá mihó atrakshon di Karibe

WILLEMSTAD.- Parke Nashonal Shete Boka a ser skohé komo mihó atrakshon di Karibe. E Parke Nashonal a forma parti di e anual 10Best Reader's Choice Awards di USA Today. Esei ta pone ku e mihó atrakshon di Karibe e aña ta na Kòrsou. Tur aña USA Today ta tene un kompetensia unda un grupo di eksperto ta selekshoná binti atrakshon pa e kategoria mihó atrakshon. Pa medio di votashon 'online' por a vota den e último luna pa e mihó atrakshon. Meskos ku tabata e kaso e último añanan, Parke Nashonal Shete Boka tabata den kontienda. Kòrsou sigur por ta hopi orguyoso ku e parke a ser nombrá komo ganadó e aña aki.

Parke

Parke Nashonal Shete Boka ta un di e atrakshon turístikonan mas konosí na Kòrsou. E Parke Nashonal ta situá na e kosta nort rústiko di e isla. Na 1944 e área a bira un área bou di protekshon pa asina por

protehá lugá di brui di tres diferente sorto di turtuga. Turtuganan ta konosí pa regresá nan lugá di nasementu pa pone webu. Investigadónan di Carmabi, ku ta manehá e parke, ta monitòr e área den temporada di brui kual ta entre mas o ménos mei i desèmber. Pa e públiko grandi Shete Boka ta mas konosí pa su naturalesa.

Na Boka Pistol e olanan ta dal kontra e piedanan di koral i e awa ta spat via un buraku meternan haltu den laira. Tin rutan pa kana bai e entradanan di laman i tambe ruta ku ta bai e asina popular Boka Tabla, kaminda por presensia e show di e olanan ku ta dal den e kueba bou di tera. E brùg natural na Boka Wandomi ta un lokashon fotogéniko i e ta aparese, meskos ku Boka Pistol, hopi bia riba medionan sosial. Parke Nashonal Shete Boka ta ser bishitá anualmente pa mas ku 90.000 bishitante i ta hopi popular bou di turismo di krusero.



Esteban Construction & Services B.V.

ta buska

2 metselaar

Pa mas inf. por yama **701-6501**

Gobièrnu no a tuma desishon riba Seú 2022

WILLEMSTAD - Gobièrnu di Kòrsou, huntu Fundashon Kultural Seú, a tuma nota di algun mensahe riba retnan sosial ku ta indiká ku Gobièrnu di Kòrsou huntu ku Fundashon Kultural Seú Kòrsou ta preparando pa organisá un evento di Seú i ku ya tin fecha akordá pa esaki.

Gobièrnu di Kòrsou ta partisipá pa medio di esa-

ki, ku ainda ta den proseso di sondeo serka diferente stakeholders manera entre otro gruponan di Seú, kuerpo polisial, brantwer i tim enkargá ku maneho di kalamidat (tim di krisis) pa asina presentá un proposishon konkreto na Minister di Enseñansa, Siensia, Kultura & Deporte pa tuma e desishon final.

Pues esaki ta nifiká ku

un desishon formal no a keda tumá ainda.

Kualke paso ku Gobièrnu di Kòrsou tuma pa ku kontinuashon di un aktividat di seú, mester ta unu responsabel i balansá. Gobièrnu lo sigui informá si akaso yega na kualke palabrashon definitivo tokante e posibilidat pa kontinuá ku un evento di Seú.

Kas a kima kompletu

WILLEMSTAD — Djaweps último, sentral di polis a risibí informashon ku un kas ta na kandela den Kaya Rublo. A dirigí un unidat polisial i brantwer na e sitio. Na yegada di e unidat a topa ku un kas mitar di palu i mitar di blòki

kompletamente na kandela.

Personal di brantwer ku a presentá na e sitio no por a evitá ku e kas a kima kompletu. No tabatin daño personal. E kandela a kuminsá den kushina di e kas.

Investigashon ta kontinuá.

ARUBA

Conseho di Minister di Reino

Aruba ta refinancia e debe di 915 miyon pa 18 luna mas, sin interes

ORANJESTAD - Den reunion di Conseho di Minister di Reino awe mainta nos a haya bon noticia y menos bon noticia. E bon noticia ta cu Aruba ta haya refinancia e debe cu Hulanda. E debe di e sumanan cu nos a ricibi di sosten di likides di 915 miyon florin den 7 diferente tranche desde aña 2020, no mester wordo paga bek pa 18 luna

mas y sin interes. Y esaki ta brinda estabilidad financiero pa Aruba.

E noticia menos bon ta cu Aruba no ta ricibi sosten di likides pa e kwartaal aki ya cu Conseho di Minister di Reino, riba conseho di CAFT, ta haya cu nos mester baha mas gasto den e presupuesto 2022, entre otro, mester corta mas den

gastonan di cuida medico di AZV, mester corta mas den salario y no paga e 12.6% e aña aki, y mester hisa loonbelasting. E presupuesto di 2022 lo wordo trata otro siman den Parlamento, y despues lo sigui e deliberacionnan cu Hulanda. Mientrastanto, e hecho cu no a ricibi sosten di likides ainda, ta pone presion riba e situacion financiero di nos

pais, pero mescos cu otro kwartaal nan Aruba lo sa di cumpli cu pago di gasto y di debe.

E noticia cu tanto Standard & Poors y Fitch a

mantene nos rating, y cu a refinancia e debe di 915 miyon, cu 18 luna sin interes, ta duna un perspectiva cu poco poco nos ta yegando den normalidad.

Riba Dia di Himno y Bandera Minister di Cultura
Xiomara Maduro a bishita:

Exposicion di potretnan di “Aruba, den mashin di tempo”

ORANJESTAD- Riba dia di Himno y Bandera, Minister di Cultura a bishita e exposicion di Archivo Nacional Aruba, “Aruba, den mashin di tempo”, caminda por a aprecia potretnan di Aruba di antes y awor.

Ta trata aki di un exposicion cu Archivo Nacional Aruba conhuntamente cu Fundacion Amigonan di Archivo a prepara en conexion cu Dia di Himno y Bandera. Cu e exposicion aki ta muestra pa medio di potretnan e Aruba di antes y e Aruba di awor, por mira

e sitio of edificio su ubicacion den pasado y actual, asina por tuma nota di e desaroyo durante añanan cu a pasa. E potretnan ta saca pa diferente fotografo, local y di exterior manera e.o. Jan Geurts, dhr. Hochstul, de Graaff y Clyde Harms.

E exposicion lo keda habri pa e proximo lunanan y por wordo bishita durante oranan di trabao. Minister Xiomara Maduro ta gradici Archivo Nacional Aruba y voluntarionan pa e exposicion, masha danki pa conserva y expone e potretnan historico nan aki.



Declaracion di Minister Ursell Arends: Aruba a cuminsa aplica sancionnan

ORANJESTAD -- Mi encargo como minister di transporte ta inclui luchtvaart y mi ta ser manteni na altura diariamente door di Directie Luchtvaart di e efectonan cu e agresion militar di Rusia contra di Ukraina tin pa Aruba.

Manera ta conoci, varios pais - entre otro Merca, Reino Unido y Union Europeo - a emiti sancionnan en conexion cu e situacion aki. E sancionnan aki ta riguarda diferente area; financiero, maritimo, di-

plomatico pero tambe pa loke ta aviacion. Na Aruba, mescos cu otro paisnan, ta evaluando e aplicabilidad di cada sancion y ta integrando esaki den nos leyman. Esaki a base di e sancionnan di Union Europeo, cu Aruba ta siguiendo.

A base di esaki a tuma e paso pa cera espacio aereo pa tur avion cu ta propiedad di of cu ta wordo dirigi pa un persona of compania Ruso.

Ademas di esey, Directie Luchtvaart a cuminsa

tambe cu implementacion di e sancionnan y a cuminsa aplica esaki riba un total di 7 avion.

Esaki ta encera de-registro of grounding di e avion, dependiendo di e sancion.

Comunidad di Aruba por ta sigur cu hunto cu Directie Luchtvaart mi lo sigui monitorea e sancionnan di cerca.

E sancionnan ta wordo adapta regularmente, y nos lo percura pa Aruba aplica esakinan debidamente.



Empleado di parlamento suspendi

ORANJESTAD -- Parlamento ta e instituto di mas halto di nos pais y integridad di e instituto aki ta hopi importante pa mantene den tur aspecto, for di e Griffie te na e empleadonan di Parlamento. Actualmente, tin un investigacion tumando luga na Parlamento despues cu a haya indicacion cu un empleado di Parlamento lo a haci trabounan politico.

Empleadonan di Parlamento mester asisti tur Parlamentario igual y neutralidad di empleadonan di Parlamento ta sumamente importante pa e integridad di e instituto.

Despues cu a tuma nota di e trabounan politico a cuminsa un investigacion y a confronta e empleado cu e pruebanan. E investigacion ta sigui su curso.

Incidente serio riba lama, cu a costa bida di hobencita di 13 aña

ORANJESTAD -- Diaranson atardi pa 4:00pm, Central di Polis ta wordo informa cu un incidente a tuma lugar na altura di Palm Pier na Palm Beach. Por a compronde cu un boto lo alcanza un hobencita turista di 13 aña. Patruya y personal di ambulance ta yega n'e sitio di incidente den

minimo tempo. Personal di ambulance a cuminsa di bida cu e re-animacion, pero lamentablemente no por a haci nada p'e hobencita. Dr. Texier a presenta n'e sitio na unda pa 5:29 pm a constata morto di e hobencita C.M. di 13 aña di edad, naci na Merca y tabata di vakantie cu su hendenan.



Gobierno ta firma agenda di ehecusion di landspakket

ORANJESTAD -- Diaranson 23 di maart, Gobierno di Aruba a firma e agenda di ehecusion pa loke ta e Landspakket pa e di dos kwartaal di aña 2022. Cada kwartaal e ekiponan di Aruba y Hulanda ta negosha pa mira kico ta locual cu mester enfoca riba dje pa e siguiente kwartaal. Prome Minister Evelyn Wever-Croes a informa cu pa kwartaal di mei, juni y juli di 2022, a yega na palabracionnan pa e accionnan continua. E Landspakket ta contene 8 area. Den e kwartaal cu ta bin, lo no enfoca riba tur 8 area.

Riba e area aki, tin hopi accion cu mester tuma den e kwartaal aki. Aki tin di haber cu loke ta trata maneho di finanzas y fortifica e maneho den Depar-

tamento di Finanzas, Centraal Accounting Dienst y Algemene Rekenkamer pa asina nos tin un pilar financiero hopi importante den Gobierno. Actualmente ta trahando riba un 'roadmap' cu lo mester keda cla den e kwartaal nos dilanti.

Un otro punto den e aspecto financiero cu ta haya atencion tambe ta e mane-

ho di subsidio. Gobierno ta evaluando si e subsidio cu actualmente Gobierno ta duna na fundacionnan, ta efectivo y si tin otro fundacionnan cu mester haya subsidio of si mester traha mas hunto cu otro pa tin mas efectividad. E investigacion aki lo cuminsa y lo mester finalisa pa dia 30 di juni.

Dos detencion pa asesinato na Zeewijk

ORANJESTAD -- Enconexion cu e caso di asesinato cu a tuma lugar dia 18 maart 2022, Recherche di San Nicolas (DAR-3) a detene un hende homber J.N. C.B. naci na Aruba di 22 aña y e muher W.A.W., naci na Republica Dominicana di 33 aña di edad. Bou

guia di Fiscal y acompaña pa Huez Comisario haci un entrada hudicial na un casa na Cura Cabai Zuid y a detene e dos sospechoso mencionada. Den e cas a confisca algun articulo cu probablemente por wordo uza como evidencia contra e dos sospechosonan.

Dos homber deteni pa ladronicia den container

ORANJESTAD -- Diamars anochi varios unidad di polis tanto di Noord, Santa Cruz y Playa a bay Paradera y vecindario, unda cu lo mester a para dos Hyundai H1 Van.

Tabata diamars anochi den careda di 10:30 polisnan a bay den area di Paradera y Sero Pita, unda cu testigonan lo a presencia con dos homber den dos Van segun nan a horta hermentnan di construccion. Esaki lo a sosode for di un container na un cas den

construccion na Jaburibari.

Despues cu e Van nan un geel y e otro shinishi a sali di Jaburibari nan a wordo sigui pa esnan cu a mira locual a sosode. Polis a logra stop esun shinishi altura di Great Rich na Paradera, mientras e otro cu ta color geel lo a trata na huy, debi cu polisnan mester a sigui'e un rato den Babijn y pa despues stop e ariba caminda pa bay Sero Pita.

Ambos homber no ta local y esun di e Van geel por

a tende bisa polis cu su papelnan ta den tramite.

Segun nan of un di nan su version tabata cu nan lo a caba di traha na e cas situa na Jaburibari. Pero e momento eynan, nan no por a prueba esey.

Pa e motibo eynan ambos a wordo deteni y transporta pa warda di Shaba, unda cu e testigonan tambe lo a bay pa duna nan declaracion. Mientrastanto ambos Van lo mester a bay cu takelwagen pa investigacion.



ARUBA

Minister Xiomara Maduro a bishita e obra creativo di diferente seccion dentro

Departamento di Aduana en conexion cu Dia di Himno y Bandera 2022

ORANJESTAD – Riba invitacion di e departamentu, siman pasa diahuebs Minister di Cultura a bishita Departamento di Aduana pa aprecia e obra creativo di diferente seccion dentro di Aduana den cuadro di e celebracion di Dia di Himno y Bandera.

E mandatario a pasa un

rato ameno y a combersa cu e trahadornan y a gradici cada seccion pa nan iniciativa pa prepara obranan creativo pa celebra Dia di Himno y Bandera, como tambe Minister Xiomara Maduro a expresa su aprecio pa e bunita recepcion cual a wordo guia pa e director di e departamento.



Jeep Wrangler a pega candela den careda

ORANJESTAD -- Diaranson algo despues di 4'or di atardi, un Jeep Wrangler A 57871, color blanco den careda su motor a pega candela riba L.G. Smith Boulevard un poco pariba di Citgo Boulevard. Mesora a pidi pa presencia di polis y brandweer.

Mirando cu hopi liher

vlamnan tabata sali for di e parti di dilanti di e auto, polis e dicidi di cera e caminda for di e crusada pabou di Royal Plaza pa e crusada pariba di Citgo Boulevard.

Brandweer a yega y hopi lihe a logra domina y paga e candela. E motor y e parti dilanti a keda completamente kima.



Shete dia pa acusado cu a tene relacion cu mucha muher di 14 aña

ORANJESTAD -- Angelo Apostel diahuebs a wordo condena pa tene relaciona sexual cu un mucha muher menor di edad. Esaki ta un hecho cu a tuma lugar 4 aña pasa. Den e prome relaciona cu el a tene cu su victima, e menor a sali na estado.

Nan tabata basila cu otro y dado momento a tene relacion intimo. Apostel ta bisa cu el a puntra e mucha muhe cuanto aña e tin y el a bis'e 17. Pero e berdad ta cu e hoben tabatin 14 aña. El a bisa Huez cu el a haci malo, pero tambe kier bisa cu e no a forsa e mucha muher.

E caso a cay den man di Voogdijraad ora cu a registra un embarazo hubenil. A cuminsa cana e caminda y asina a descubri cu tata di e baby ta hopi mas grandi cu e mucha muher. Mesora

a entrega keho. Debi cu e mama ta menor di edad, e no por a keda cu su baby y autoridadnan a pone na Casa Cuna.

Despues Voogdijraad a cuminsa mira ken lo por tuma voogdij di e baby girl. E mama di e mucha muher no tabata por y a haya e wela paterno cu a pone su mes disponibel. A causa di esaki e acusado tata di e baby mester a bandona cas. El a bay biba cerca su tata, pasobra no a permiti'e mira e baby.

E caso aki ta uno bieu cu a tuma lugar na aña 2018. E acusado y e mucha muher menor di edad a sigui den un relacion y ta compana cu otro. E wela a bay Hulanda y awor e pareha mester aserca autoridadnan pa nan haya custodia di nan yiu. Parce e wela a bay Hu-

landa sin avisa. El a kere cu na momento cu e mama a cumpli 18 aña di mes e ta haya voogdij di su yiu.

Huez a bisa nan cu esey no t'e caso y cu nan mester bay papia cu trahadornan di Voogdijraad pa regla e papelnan. Aworaki e baby tin casi 4 aña y ta biba cu nan den un apartamento. Ora cu nan ta traha, e menor ta keda na un creche. Fiscal a haya cu e homber no mester bay mas sera pa motibo mucho tempo a pasa. El a dune un castigo cu el a sinta caba cu ta 7 dia, pero cu 240 ora di trabou pa comunidad cu ta colga riba su cabes. Si den un aña di tempo e bolbe haci algo asina, e mester traha 240 ora pa comunidad y sinta e castigo nobo.

Apostel a dicidi mesora cu e no ta apela.

Mayornan no ta mira ku nan yunan ta keda muchu largu tras di pantaya

KRALENDIJK — Muchanan ta pasa muchu tempu tras di pantaya, sí mantené liñanan dirigí di e organisashon di salú mundial, WHO. Asina tantu tempu tras di pantaya, segun sientífikonan, no ta saludabel, pero mayornan no ta konsiente di esaki. Esaki a sali na kla for di e investigashon anual di Iene Miene Media, kaminda a wak na e sabiduria di media bou di mayornan di yu entre 0 pa 6 aña.

E último añanan a parecé mas investigashon ku ta duna di konosé ku hopi tempu tras di pantaya riba término largu ta dañino pa mucha. Pero segun e investigashon aki, edukashon di media dor di mayornan pa

mucha no ta un tema urgente.

Tres kuart di mayor ku a puntra, ta pone edukashon di media na último lugá si nan mester skohe for di un lista di edukashon salú, move suficiente, komportashon sosial i higiena. Un mayoria di e mayornan ta mira prinsipalmente efektonan positivo di uso di media, manera mihó desaroyo di idioma i abilidad di kalkulo.

Di e efektonan riba término largu, segun e investigashon, e mayornan no ta konsiente suficientemente. Tòg for di diferente estudio hasí, ta parse ku tin un relashon entre uso di media eksesivo i problemanan ku salú. Aki nan mester pensa

riba sobre peso i poko soño.

Limitá desaroyo

"E tempu ku muchanan ta dediká tras di pantaya sin dediká na otro aktividatnan manera hunga pafó, subi, pinta, e sorto di kosnan ei," segun investigadó Peter Nikken den NOS Radio 1 Journaal. E tempu tras di pantaya ta dependé di kosnan ku ta hopi importante pa nan desaroyo na edat hóben. I ei nan netamente nan mester dediká mas tempu, komuniká ku otro nan i tende. Sí mucha no dediká tempu na esakinan, nan ta perdè algu den nan desaroyo, pa kua durante henter nan bida nan tin molèster.

Segun un liña dirigí di VWO, muchanan te dos aña

totalmente no mester hasi uso di media. Pa mucha te ku sinku aña, esaki mester ta limitá te un ora pa dia. Nikken: "For di sifranan parse ku muchanan masalmente ta keda sinta. Totalmente muchanan di 0 te 6 aña ta dediká pa dia mas ku un ora i mei na aktividatnan di media. Esaki solamente ta un pro medio, e investigadónan ta enfatisá. Esaki ta nifiká ku algun mucha ta keda abou i otro nan kisas mas haltu.

Balor edukativo

Mayornan ta mira media prinsipalmente komo ku medio di ayudo ábil na kas. Mas ku dos terser ta pone e mucha tras di pantaya momentu ku nan ke trankilidat.

Hopi mayor, segun e investigashon, ta pone tambe un balor edukativo di diferente wega i programa. Esaki Nikken tambe ta mira. "Mi por imaginá mi mes ku ta fásil tambe si bo por laga e mucha hunga un wega òf mira un pelíkula. Si bo hasi esaki, ta di importansia ku abo komo mayor tambe ta mira huntu, pa asina e mucha tambe realmente ta skohe pa pelíkula òf wega edukativo."

Komo mayor bo mester ta mas tantu posibel enbolbí ku e komportashon di media. Si bo ta gosa huntu, muchanan por siña tambe, Nikken ta bisa. I na un dado momentu bo por bisa tambe, awor ta basta, nos ta bai hasi algu otro.

Speshal di fruta i berdura na Warehouse Supermarket wikènt aki!

KRALENDIJK—En trante ayera 25 di Mart, Warehouse Supermarket a start ku "March Madness ACTION" den e sekshon di fruta i berdura unda tin ofertanan sumamente atraktivo. Preisnan inkreibel riba anasa, mango, mandarein i hopi otro produkto

mas, ta optenibel e wikènt aki. E speshal ta válido di djabièrnè 25 di mart te ku djadumingu 27 di mart.

Kampaña

Ademas di speshal di fruta i berdura, Warehouse Supermarket ta brinda klientenan e oportunidat di

gana premio grandi ku e kampaña di Pasku di resurekshon (Pasku grandi), unda ku klientenan ta partisipá na kompra di \$25 òf mas. Warehouse ta regalá un kantidat 10 premio. E Premio grandi ta un pakete di kamper ku ta inklui un grill, karni, artíkulonon

di kampamentu i hopi otro premio mas. E Kampaña aki ta válido te ku dia 14 di april 2022. Kumpra i partisipá pa gana na e supermerkadu mas ameno na Boneiru, Warehouse Supermarket. Pa tur ku ke ta semper pendiente di tur loke Warehouse Supermar-

ket tin di ofresé, por sigui e supermerkadu riba nan cuenta di facebook Warehouse Supermarket i riba instagram @warehouse-bonaire òf @supermarket-warehousebonaire. Warehouse Supermarket ta habri tur dia di 8'or di mainta te ku 8'or di anochi.



DEPORTE

Sinku enfermera i enfermero a haña formashon pa kuido agudo

KRALENDIJK--Riba 28 di mart, sinku enfermera i enfermero ta risibí e sertifikado di Kuido Agudo Básiko. E formashon pa Kuido Agudo Básiko ta forma parti di e programa di kapasitashon Caribbean Health Academy. A krea e programa di kapasitashon akí pa motibu ku durante e pandemia di Covid a resultá ku a surgi un eskases grandi di enfermera i enfermero spesialisá pa departamentonan di kuido agudo.

E enfermero i e enfermeranan boneriano ku a finalisá e formashon akí ku éksito ta: Maureen Leocadia, Jurdenne Trenidad,

Emely Janga, George Michel i Rebecca Menzies. E sinku profeshonalnan akí a disidí ku despues ku nan kaba ku nan formashon pa Kuido Agudo Básiko, nan ta spesialisá nan mes pa Ayudo di Emergencia, Rekuperashon i Kuido Intensivo. Na luna di yüni 2022 seis otro enfermera i enfermero di Boneiru ta bai sigui e formashon pa Kuido Agudo Básiko.

Formashon

E instituto di formashon di Sentro Médico Universitario Amsterdam, Academia VUmc, huntu ku e hòspitalnan na e islanan a

ofresé un formashon nobo pa Kuido Agudo Básiko. Ministerio di Salubridat Públiko, Bienestar i Deporte di Hulanda a finansiá e formashon. Mas ku 100 enfermera i enfermero na Aruba, Kòrsou, Boneiru, St Maarten i St Eustatius a risibí formashon durante un periodo di 10 luna. E rapides ku kua den un tempu kòrtiku a duna formashon na un grupo asina grandi tantu na hulandes komo na ingles ta úniko. Mediante e Programa di Kapasitashon Caribbean Health Academy (CARIBHA) e islanan ta mas fleksibel i pa e motibu akí nan por

reakshoná adekuadamente riba situashonnan di kuido agudo, manera durante un pandemia. Duna formashon na profeshonalnan den kuido na e islanan karibense ta un di e metanan di e hòspitalnan ku ta traha huntu den Dutch Caribbean Hospital Alliance (DCHA). Fundashon Mariadal i Fundashon Mariadal Academy ta forma parti di e kolaborashon akí pa Boneiru. Aparte di e mas ku 100 partisipante na e formashon pa Kuido Agudo Básiko, mas òf ménos 800 partisipante na e islanan a hasi uso tam-

be di formashonnan ku enfoke riba tarea, formashon i protokòlnan spesífiko pa COVID. E formashonnan akí tambe ta kai den e programa di CARIBHA i ta ofresé nan via e plataforma digital di CARIBHA ku a desaroyá spesialmente pa esaki. Banda di enseñansa digital tin instruktornan presente den e hòspitalnan ku ta tuma e parti práktiko na nan enkargo. Di e manera akí e enseñansa ta sòru pa un interakshon entre Hulanda i e islanan karibense i e ta konektá alabes bon ku e ambiente lokal.

Awe nochi entrega sèrtifikado VT2 i wega vòlibòl

KRALENDIJK--BoVoBo ku ta e bont di vòlibòl di nos isla, awe djasabra 26 di mart 2022, lo entregá sèrtifikado na “coach”nan ku a pasa curso vòlibòl ku éksito.

Ta trata di e curso VT2 ku ta para pa “Volleyball Trainer 2”, di kua 8 persona a pasa eksamen, 7 a slag, 1 a haña oportunidat pa pasa esaki di nobo momentu ku Instruktor Coach Ine ta bèk na Boneiru.

Esaki di akuerdo ku e informashonnan di BoVoBo

ku a yega serka nos ayera.

Tambe lo entregá e rèfrinan ku a pasa nan eksamen ku éksito, nan sètifikado.

Ta trata di kursonan ku tabata na enkargo di e dos instruktornan “coach” di Hulanda ku ta Jolanda i Ine.

Tásina ku djasabra nochi BoVoBo tin tambe un wega di vòlibòl e anochi akí.

E wega di e anochi akí lo bai entre dos tim komèrsial.

Esaki sigur lo bira un tremendo partido den presensia di e dos “coach”nan instruktor femenino di Hu-

landa ku ta aki na Boneiru pa a duna treinen, workshop i kurso di vòlibòl, ku a finalisá djasabra nochi ku entrega di e sètifikadonan korespondiente.

Ku e wega djasabra nochi e instruktornan coach di Hulanda lo por mira e nivel di e deporte di vòlibòl di nos isla. Un invitashon na e fanatikada pa presensia e partido di vòlibòl akí awe nochi den sala di deporte di Kompleho Deportivo Jorge Nicolaas na Kaya Amsterdam.

Kuambio di Alexandria '66 pa Sparta

Awó Rucaydin a haña loke e meresé aya na Hualanda

KRALENDIJK--Di akuerdo ku e informashonnan for di Hulanda, e hóben Rucaydin ku a firma ku Sparta di Rotterdam, a bini 9 luna pasá serka nan for di Boneiru ku metanan spesífiko, miéntras ku diaríamente ta trahando i trata na logra su metanan.

Awó Rucaydin a haña loke e meresé, un cambio di Alexandria '66 pa Sparta Rotterdam.

For di dia ku el a yega TIFA Voetbalschool, nan a mira progresonan ku e la logra den su abilidadnan i mentalidat.

Tambe nan ta bisa ku

tabatin hopi ofèrtanan di Klupnan Tòp pero e la skohe pa Sparta.

Nan ta bisa tambe ku nan ta orguyoso di Rucaydin.

Tambe finalmente nan ta bisa Rucaydin ban pa mas oranan di treinen i desarojo.

Éksito..

Resultado Bolas djaweps anochi

KRALENDIJK -Djaweps último den oranan di anochi a kuminsá e torneo di Bolas Krioyo “Ban Sigui Move” organisá pa e tim Bonaire Stars, torneo ku ta tuma lugá riba kanchanan di Fèlt Gold Finch na Tera Kòrá e fin di siman akí i sigui otro siman.

Aki ta sigui e resultado di e promé dia di e torneo djaweps último.

Kancha 1.
The Indians vs Bo Kuenta Girls 7-3.

Bo Kuenta vs Curafam 14-1.

Unbreakable vs Dead Shot 15-9.

Kancha 2.

Crazy Boys vs Dal Spat 13-4.

Fire Chicks vs Unbreakable Girls 6-8.

Los Gavilanes vs Destroyer 12-6.

Kancha 3.

Hot Balls vs Girls Got Swagg 4-15.

Kadaster vs Tene Na Kuenta 4-6.

Fireball vs Ban Pasa Prèt 12-1.

Kancha 4.

Destroyer vs NRS 3-15.

Energizer vs Juice Lage Bai 14-7.

Chick with Balls vs Fire Chicks 1-15.

Éksito na e ekiponan den e torneo.

Vitesse – ATC djadumingu

KRALENDIJK--Djadumingu awó 27 mart 2022 pa 7or anochi e partido entre Vitesse di Antriòl Pabou i ATC di Tera Kòrá, esaki den Stadion Antonio Trenidad na Rincon Sùit.

Esaki ta e promé partido di e ekiponan aki den e kampionato, loke sigur ta primintí di bira otro tremendo partido di e kampionato, ku dos ekipo buskando nan promé puntonan di e kampionato. Esaki tei hasi

e partido aki unu bastante interesante i importante pa e ekiponan aki.

Meskos ku tur otro ekiponan ku den nan promé partido di e kampionato ta buska nan promé puntonan di e kampionato, meskos tambe e dos ekiponan aki ku ta bini bon prepará pa bai ku nan promé viktoria i promé puntonan di e kampionato.

Di nos parti éksito na e ekiponan aki den e partido i den e kampionato.

BoVobo a entregá material pa desaroyo

KRALENDIJK-- E siman aki BoVoBo ku ta e bont di vòlibòl di nos isla bou di presidensia di señora Gisette Emer, a hasi entrega di un sèt di material pa desaroyo di vòlibòl di nos

isla. Ta trata di materialnan ku BoVoBo ta risibí dor di nan afiliashon na Cazova i Norceca.

E mainta di entrega di e materialnan, BoVoBo a introdusí NeVoBo ku ta bont

di vòlibòl di pais madre Hulanda, na e skol pa ku desaroyo di vòlibòl ku ta tumando lugá pa entrenadóan i “coach”nan formando.

Riba potrètnan etrega di e materialnan.



Roy Martines pa di 17 biaha na 4 Daagse Nijmegen

KRALENDIJK -- Roy Martines ta den preparashon pa bolbe partisipá na e kaminata 4 Daagse Nijmegen. E kanamentu ta tuma lugá na luna di yüli benidero.

Un reportero di BONERIANO, den un kombersashon a tuma nota ku Roy, kende no ta un deskonosí den e mundu di kanamentu di 4 Daagse, ta den treinen pa partisipa den e kaminata.

E aña aki ta di 17 biaha ku e ta bai partisipá na e kanamentu konosí na Hulanda. E tin bon eksperensia ku e kanamentu i ya ta prepará, pa ora e momentu yega e ta den bon forma pa kana distansia largu.

Tin mas hende ku ta preparando pa bai Hulanda i tuma parti na e kaminata menshoná, ku no a tuma lugá ultimo dos aña debí na e pandemia di Covid 19.



Financing DEALS EXTENDED



CHANGAN AUTO

dabboussi motors



F70 MANUAL - LEVEL 3

\$380 per month*



CS75 PLUS

\$405 per month*



CS35 PLUS

\$292 per month*



M401 11 SEATER

\$214 per month*



MD201 CARGO BOX

\$167 per month*



CS95

\$530 per month*

*with an 8 year financing plan.



Get auto financing with RBC

For qualified byers. Special conditions apply. Subject to normal lending criteria. ® / ™ Trademark (s) of Royal Bank of Canada. Used under license.

UP TO 5 Year Warranty

f /dabboussimotors

786.6662